

四庫全書

子部

欽定四庫全書

管子卷十二

唐房玄齡注

侈靡第三十五

短語九

問曰古之時與今之時同乎曰同

天地四時既無所易故曰同

其人

同乎不同乎曰不同

古淳而今澆古質而今浮故不同也

可與政其誅

言今

雖不同古可為政誅其不法以復古

倍堯之時混吾之美在下其道非獨

出人也

倍帝倍也言二帝之時比屋可封美俱在下其能若此亦言非有出人之道脩古而已混同也

山不童而用贍澤不弊而養足

山無草木曰童弊竭也

耕以自養

以其餘應良天子故平

以其自養之餘應天子之食故天下平有時而賦曰良

牛

馬之牧不相及

各自足則不相及也

人民之俗不相知

人至老死不相往來

故不相知不出百里而來足

行者不出百里而來者所求足故也

故鄉而不理

靜也

雖立公卿不理其事以人靜故

其獄一跣一跣屨而當死

諸侯犯罪

者令著一隻屨以恥之可以當死刑

今周公斷指滿稽斷首滿稽斷足滿

稽而死民不服非人性也敝也

今周公謂時所用法也稽考也罪滿而斷則從

而考之首滿其罪者亦從而考之應斷足所罪滿者又從而考之凡此欲以為慎審也罪定者死之然人尚不

服其罪豈人性之然乎時爽故也地重人載毀敝而養不足事末作而

民興之

載生也今地利既重人之生植穀物君則從而毀奪弊盡之所以養有不足人既惰於本業故

競起而是以下名而上實也謂下但有農作之名不得事末作

聖人者省諸本而游諸樂

聖人察人之本游之於富壽之域則倍堯以前為然也

大昏也博夜也

夜謂暗昧之行也令人主至於大昏者則以博為夜事故也

問曰興

時化若何

謂度時興化其理若何也

莫善於侈靡

侈靡謂珠玉之用也管氏以為珠玉

者飢不可食寒不可衣然時共貴之君若不重則強者守之以招人故度時興化莫善於重珠玉以為侈靡

賤有實敬無用則人可刑也

有實謂穀帛可貴而賤之無用謂珠玉可賤而敬之

若此則人之賢不肖可刑也

故賤粟米而如敬珠玉好禮樂而如賤

事業本之始也

言粟常人賤之賢者貴之如常人之敬珠玉末業常人貴之賢人賤之今則賢

者之好禮樂如常人貴末業若此者可謂務本之始

珠者陰之陽也故勝火

珠生於水

而有光鑿故為陰之陽以向日則火降故勝火

王者陰之陰也故勝水

玉生於山而藏

於山故為陰之陰以向月則水流故勝水

其化如神

言珠玉能致水火故曰如神也

故天子

臧珠玉諸侯臧金石大夫畜狗馬百姓臧布帛不然則

強者能守之智者能牧之賤所貴而貴所賤

粟米可貴而賤之珠

玉可賤而貴之

不然鰥寡獨老不與得焉均之始也

君不貴而藏之則利

積於強智雖務課寡獨老無所與之
今藏之者所以賑貧乏故為均之始
政與教孰急政者立法

以齊物教者訓誘以感心用二者何先也
管子曰夫政教相似而殊方若夫

教者標然若秋雲之遠動人心之悲
標高舉貌秋雲悽慘有愁悴之容高

置且遠能生人之悲心喻教者憂人之不令見其戚容人亦為之傷悼之
藹然若夏之靜雲

乃及人之體鵬然若藹之靜
藹油潤貌鵬然和順貌夏雲之起油然含潤將降其

澤及人之體去除熱氣而和順雖有譎躁之人亦皆恬靜喻教者灑之溫辭而強梁者亦能感服之
動人

意以怨蕩蕩若流水
教者若秋雲之動人意人意既動則自怨而蕩搖自怨而蕩搖則從

教若流水也
使人思之人所生往教之始也身必備之
教者若夏

雲之順適故其人使人思之人既思之則生其善心教人之始必備此二者然後可也

辟之若秋

雲之始見賢者不肖者化焉

教者既若秋雲始見而哀憐之又若夏雲之起而潤

悅之則天下之賢與不肖無不化焉

敬而待之愛而使之若樊神山祭之

既從聖化人則敬而來待愛而後使尊衛其君若樊落神山設祭而祈福者也

賢者少不肖者

多使其賢不肖惡得不化

賢與不肖皆教而使之則不化也

今夫政

則少則

即皆從教則人無所犯故於為政少用為則也

若夫成形之徵者去

則少可使人乎

欲成太平之形以知其徵驗者全能去則而使人斯太平之先兆也

用貧

與富何如而可

問貧富之中適

曰甚富不可使

甚富則驕故不可使

甚貧

不知恥甚貧則濫竊水平而不流無源則涸平而不流謂水

也停水無源必速竭雲平而雨不甚無委雲雨則澍已平雲少雨又無委雲

以助之其雨必澍已上二事為下有比例政平而無威則不行此則為政者威以為本也

愛而無親則流但行沆愛無所偏親則其愛流漫賢智不盡力親左有用無用

則辟之若相為有兆怨雖曰當有所親而用親之理解左則有為用者不為用者辟猶

言有中不中此但為怨兆而已親之無益也上短下長無度而用則危本不

稱或復上得短而下持長其役用之不以度如而祀譚此者或能懷怨以敗國故曰危本不稱也

次祖犯詛渝盟傷言譚延也國敗絕祀之事延及次祖更有犯詛渝盟傷言之罪敬

祖禰尊始也

祖禰人之始也

齊約之信論行也

誚盟欲為整齊要束之信所以

論行也

尊天地之理所以論威也

天地以秋冬肅殺雷震電耀為威為政者所取

則故威不可弛之也

薄德之君之府囊也

凡尊始論行論威為政者所當行德薄之君皆

囊而藏之故有敗亡之禍

必因成形而論於人此政行也可以王乎

必因王事之成形論考於人事此為政所行也遵而勿失故可以王也

請問用之若何

問用

政何也必辨於天地之道然後功名可以殖天地有尊卑恩威之序故

明之然後可辯於地利而民可富通於侈靡而士可戚

以立功名也戚親也貴珠玉以

君親自好事

謂好為政之事

強以立斷

強立其志

以斷是非
仁以好任
所謂悅
人君壽以政年
君所以壽考由為政以順年之

四時令也
百姓不夭厲
厲發疾也
六畜遮育五穀遮熟
遮猶兼也
然後

民力可得用
人俱富而力全可用也
鄰國之君俱不賢然後得王

若俱賢則不可得
而制難以王矣
俱賢若何之問
曰忽然易卿而移
黜不肖立

賢
忽然易事而化
去故而取新
變而足以成名
革變舊弊故名
承

弊而民勸之
承先代之弊而成名故民勸勉之也
慈種而民富
流慈以勉種故

人富
應言待感與物俱長
應物而後言待感而後動所謂應天順人者也故與物俱長也

故日月之明
所謂與日月齊其明
應風雨而種
風時雨若則以君禮不失故也
天

之所覆地之所載斯民之良也

君人者德苞天地首出庶物有生莫能踰故曰

人之

不有而醜天地非天子之事也

不有上事而又醜惡天地之化此非

天子

民變而不能變是稅

之稅反

之傳革

稅柱也革皮也稅之傳革則外

革而內不革也今人變而君不能變亦外革而內不革之類故取喻焉

有革而不能革不

可服

可革而不革則人有輕君之心故不服也

民死信

人無信不立故死在信也

諸侯死

化

變通之以盡利不化則利竭故死

請問諸侯之化弊

弊謂久行而無益者弊也

者家也

言國之弊則以家習不革

家也者以因人之所重而行之

非人

所重則當革也

吾君長來獵君長虎豹之皮

君好虎豹皮故來獵

用功力

之君上金玉幣

君上用金玉為幣故用功力

好戰之君上甲兵甲兵

之本必先於田宅

有田宅然後可以充甲兵之賦

今吾君戰則請行民

之所重飲食者也侈樂者也民之所願也足其所欲贍

其所願則能用之耳

君之于人必足欲贍願然後可用也

今使衣皮而冠

角食野草飲野水孰能用之

言士既乏於衣食則君之不能用也

傷心者

不可以致功

謂富者奢靡而有餘貧者窘悴而不足則傷心矣傷心則無聊而苟且故不能致功

故嘗至味而罷至樂

謂富者先奏至樂及食至味而罷之

而雕卵然後淪

以灼

之雕橈

力道反

然後爨之

皆富者所為也橈薪也

丹沙之穴不

塞則商賈不處

趨丹穴而求利故不處也

富者靡之貧者為之

所以

得成此侈靡則重并貧者而為之也

此百姓之怠生百振而食非獨自為

也百姓既為富者所兼則怠於作業故能生此富者之靡富成此侈靡亦以百姓振起之故也豈富者能自

為之畜化用

今欲為此富貧富之法當變化富者之用也

其臣者予而奪

之

謂臣富者今欲化之使貧或先少與而後多奪之也

使而輟之

既使之多所費用然後成其功

徒以而富之

或空言其利而今得富且取其物終之也

父繫而伏之

或加父罪而繫

之子必伏而破產以贖父也

予虛爵而驕之

或空與爵名而無其位以驕此人令有所費用

也收其春秋之時而消之

富者先財物以射春秋之利今則官自收而消也

有

襍禮我而居之

或有費用財物襍禮於我若此者順其意而居之

時舉其强者

以譽之

富而又強則為之作聲譽或令其有所統率

強而可使服事

服行者服

必成辯

以辯辭

其有辯明者則令辯繁辭智

以招請

富而多智則使招來而請謁也

廉以標人

富而清廉則使為人標式

堅強以乘六廣其德以輕上位

君能堅意強力以乘上之六者可以廣其德又可以分其上之任故位輕者也

不能使之而流

徙此謂國亾之郤

若不能使任上之六者乃流移而徙之斯亡國之郤也

故法而

守常

謂古法得其法者則守常故而不革也

尊禮而變俗

流遁之俗則當變之

上信

而賤文

文虛而寡用故賤之

好緣而好馭

子朗反緣即指也馭馬之壯健者怯惡者必亂

故弃之喻姦人之
雄亦亂國當絕

此謂成國之法也為國者反民性然

後可以與民戚

戚親也反者冥也順其性欲必敗亡若能反之然後有成可與之親也

民

欲逸而教以勞

勞致於耕鑿則有功

民欲生而教以死

死致於寇難則有功

也勞教定而國富

積財故也

死教定而威行

致死則莫敢當其鋒故威行也

聖人者陰陽理

言法陰陽之理

故平外而險中

此則含陰於內發陽於外

故

信其情者傷其神美其質者傷其文

情盛則神滅也

化之美者

應其名

實應其名故化美也

變其美者應其時

事應其時故變美也

不能兆

其端者菑及之

來事之端不知其兆者常失於幾故災及之也

故緣地之利

緣順

也承從天之指

指意也當承順天之意也

辱舉其死

辱猶逆也逆地天以舉事則死

也

開國閉辱

若能開國以納善言則辱可閉也

知其緣地之利者所以

參天地之吉網也

知能順地之利則能參天地之吉網

承從天之指者動

必明辱舉其死者與其失人同

逆天舉事故與失人同也

公事則道

必行

公事則無權故其道必行也

開其國門者玩之以善言

有善言可玩故

開國以奈其筭辱

亦既有辱當奈之何唯有報筭爵祭神以謝過耳

知神次者

操犧牲與其珪璧以執其筭

當令巫祝知神之次秩者操牲及珪璧執筭爵以禱

神而謝逆舉之罪也

家小害以小勝大

祭祀之費家雖有小損因此小損以勝大災

負

其中辰其外

既以謝過又當員中心無所專固有善則從無失外事之時也辰時也

而復

畏強長其虛

其有強大於已者則當長其謙虛之心而敬畏之也

而物正以視其

中情

其於物也雖見外正猶未可信又當視其中情以驗之

公曰國門則塞百姓

誰敢教胡以備之

謂寇有至國門以塞百姓警衛而誰敢教者事至於此如何救而可擇

擇

天下之所宥

謂不為天下之疾者

擇鬼之所當

謂為神所福助者也

擇人

天之所戴

謂為人所戴仰者也

而亟付其身此所以安之也

得此三德

之人付其身而任之雖有寇賊無若我何故安

強與短而立齊國之若何

謂寇賊既

持強弓又執短兵列陣而立以攻齊國若之何禦之此亦公問之辭

高予之名而舉之

高舉

其名則歡悅也重予之官而危之與之重官則不避危也因責其能以隨

之猶賊則疎之母使人圖之責知其能隨而任之則自課厲而無所顧望啓寵納

侮使人圖之也猶疎則數之母使人曲之因不寵任而疎已者則數加恩義以悅之

無使人見怨陰謀曲求已隙者也此所以為之也撫人若此可以禦上強與短兵之寇也

大有臣甚大將反為害謂大臣富有既臣且甚大甚大則逼君故將反為害吾欲

優患除害將小能察大為之奈何言我且欲寬優此患漸除其害每見其小

能則察知其大欲為此事如何亦公之問辭也潭根之母伐潭深也此以大樹喻惡也譬若大樹

根深不可伐大臣根黨盤結未可卒誅固事之母入既未能誅且固事之無得入同其慈也

深黷之母涸

黷謂探其深情常令見之無使涸竭也

不儀之母助

儀善也彼為不

善無得助佐之也

章明之母滅

當發明不善令人皆知之無使昧滅也

生榮之母

失

謂生篡殺之心若草木之生榮此其可誅之時必不得失之

十言者不勝此一

謂令

他事有十言之善不如此一言也

雖凶必吉

忍而容之屈而事之凶也惡稔易誅吉也

故平

以滿無事而總以待有事而為之若何

總謂收積也故使國家從故平

安之時滿積其財以無事之時收積至時散其積而用也

積者立餘日而侈美車馬

而馳多酒醴而靡

積謂富而積財者富而侈食美車多醴財有所散因其散而收之

千

歲毋出食此謂本事

雖復千歲常令自食其財無使他外則富者之財可得而收之此積

之本縣人有主縣謂繫屬也言欲繫屬人此治用官既積財人則

於官取之以於人必有所主主於財然而不治積之市謂不取官財以理其用

得其一人積之下一人積之上此謂利無常財既入市則公私共

積之上雖積一分下亦積一分可謂利無常也百姓無寶以利為首百姓無他寶唯以利

為寶一上一下唯利所處利積多者百姓則從而歸之也利然後能通

通然後成國無利而不通則國亡也利靜而不化觀其所出從而

移之利而不化者則由所出視其不可使因為民等

等謂率而齊之不可使謂其人非有文武之材又不任作役若此者使之率興利之人而齊之也擇其

好名因使長民

其有好虛譽之名者則擇之使為興利者之長

好而不已是以

為國紀

好名不已財乃彌積故為國紀

功未成者不可以獨名

積財之功未成

則無獨與之名

事未道者不可以言名成功然後可以獨名

共

言此人

有名 事道然後可以言名然後可以承致酢

既有獨名又有

言名然後可以至於承君之酢報也

先其士者之為自犯

人有士行當推以為先今反自

先之是為自犯其過也

後其民者之為自贍

人能興利亦當先之充國今乃後之是自

為其贍不憂國也

輕國位者國必敗

輕國位則有散居之心故國敗也

疎貴戚

者謀將泄

疎貴戚則有外顧之意故謀泄

毋仕異國之人是為失經

異國

之人所謂非我族類者也今而
仕之其心異此謂失國之經也
毋數變易是為敗成數

易則事繁而無
功故曰敗成
大臣得罪勿出封外是為漏情毋數據

大臣之家而飲酒是為使國大消

飲酒於臣家則威權
移焉物不兩盛故臣

強則國
消也
三堯在臧於縣返於連比若是者必從是罌亡

乎
雖使三堯在臧但懸其物而不散施之終亦不能守
其物亡必不返於連比之臣臣既得之自用樹福則

國從是罌敗而亡
乎罌即臭字也
辟之若尊譚未勝其本亡流而下譚

也雖堯守藏不施必亡猶如尊位將反而未
能勝其本此位既不可得自然流而下者也
不平令苟

下不治
凡始理下者必先能平令
既不平令雖下而不理者也
高下者不足以相

待自處其高欲下待此謂殺事立而壞何也兵遠而畏

何也此謂弑君之事其事既立而後壞民已聚而散何

也人不歸輟安而危何也神不祐故也功成而不信者

殆兵強而無義者殘不謹於附近而欲來遠者兵不信

欲來遠者必謹於附近略近臣合於其遠者立略禮謂不

近則略之於遠則合之亡國之起毀國之族則兵遠而

不畏先自疎國之宗族漸以至三者若此國小而修大

仁而不利猶有爭名者累哉是也不量國之小好脩遠

大雖復行仁不遇其

利而猶與他國爭名是必自累者也樂聚之力以兼人之強以待其害雖

聚必散

好自勉以聚力欲兼他人之強用此以禦危害如是者先雖聚後必散

大王不恃

衆而自恃百姓自聚供而後利之成而無害

大王亶父為狄所攻

乃去幽之岐杖策而往百姓曰仁君也不可失扶老攜幼而從之一年成邑二年成都三年五倍其初言大王雖有衆不恃但自恃其德故百姓隨而聚之供其所須而利之遂至於成功而無危害者也

疎戚而

好外企以仁而謀泄賤寡而好大此所以危

言自疎已親好交外

人雖企慕於仁而所謀多泄漏既賤且寡好為迂大凡此皆危敗之道也

衆而約

謂與衆為約束也

實取而言讓

謂實取彼物於言更成遜讓

行陰而言陽

於行實為陰密在言更成

顯利人之有禍謂因禍而生利言人之無患人雖實禍於言乃為無患吾欲

獨有是若何凡此獨君之事也問獨有之何如自衆而約已下公問之辭是故之時

陳財之道可以行今也利散而民察必放之身然後行

管氏言此乃古之陳設致財之道亦可行求於今然利散於下人則察而知之置之於身勿令下知然後可以

行放置之公曰謂何問所以長喪以黜其時黜黜也居喪者毀厝之息

謂增長叛居喪之禮使人皆黜黯之敗也重送葬以起身財重送葬則費用廣僑慢則不及

事由人習為精厲庶事不怠故能起身之財一親往一親來所以合親也謂一

親往死一親來生親無絕時故曰合親此謂衆約人皆親教之重葬可以起財故曰衆要之也

問用之若何

問用衆要

巨瘞培所以使貧民也

瘞培謂壙中埋藏處深暗

也貧人雖無財而有力故教之巨瘞培以役其力也

美壟墓所以文明也

美文明

而不滅也

巨棺槨所以起木工也

人習為棺槨則增長木之工也

多衣衾所

以起女工也

習為衣衾則增長女工也

猶不盡故有次浮也

謂上之理猶有

不盡也次浮謂棺槨壟墓之外遊飾也

有差樊

樊蕃也謂壟墓之外樹以蕃其制尊卑之外此壟之

也

有瘞藏

謂古之樊者或藏以金玉或以器物此棺槨之次浮也

作此相食然

後民相利守戰之備合矣

方喪之時孝子荒迷或不舉火鄰里為食以相餉如此則

遞相銜親恩情固結至於守戰之時必誠力齊敵而不能當之矣

鄉殊俗國異禮則民

不流矣

流移也俗禮殊異則人各得其所安故不流移也

不同法則民不困鄉

丘老不通覩誅流散則人不眺

丘大也大老者各足於其所不交通流散於

其鄉則誅之今其覩見如此則人安其本不眺望他所而歸之

安鄉樂宅享祭而謳吟

稱號者皆誅所以留民俗也

皆令安樂鄉宅享祭先祖其有謳吟思於他所者則

誅之或有稱舉號誅於他鄉者皆誅之凡此皆欲留止人俗不令轉移

斷方井田之數

人之地每斷定其方而立之田數屋三為井也

乘馬甸之衆

每一甸之衆數賦長穀一乘馬四匹

謂之乘馬十六井曰丘四丘為甸

制之陵谿立鬼神而謹祭

每大陵深谿皆有靈

馬立鬼神之祠使人祭之

皆以能別以為食數示重本也

人之大小皆各有材

能多者食衆能少者食寡故曰以能
別為食數凡此皆重人本之事也
故地廣千里者祿

重而祭尊其君無餘言不脩祭以餘地與餉也地與他若一者從而

艾之從謂次當受封者艾謂減削也言脩祭之君受地與他同故曰若一者則削減其地與次受封之君

也君始者謂始為君者也艾若一者從乎殺與于殺若一者言始受封

之君本既無地故取先受君者彼或不與從而殺之彼或自取與受而殺之彼自取與于始封者今與先受封

者地均若一也從者艾艾若一者從于殺與于殺若一者從無封

始王事者上王者言從者先無封令始王事故艾取他國之地與先者均齊若一則止也上

事霸者生功言重本言諸侯既受地分則上事霸主隨政命以生立其功凡此皆為重本

也 是為十畝分免而不爭言先人而自後也 禹猶區也 十畝謂十

里之地每里為一畝故曰十畝若他國來分明勸勉而與之不敢交爭如此者所以先他人自取其後 官

禮之司

言國官禮各有私

昭穆之離

離為次位之別也

先後功器事之

治

功有大小器有精麤各定其先後之差也

尊鬼而守

尊鬼謂謹其享祭之禮也

故戰事

之任高功而下死本事

戰士雖有高下之殊各令死其本事也

食功而省

利勸臣

餉其有功省其無功則臣勸也

上義而不能與小利

上當操大義而主斷

不可顧小利而移也

五官者人爭其職然後君聞

官爭理職則國治故君名聞於

天 祭之時上賢者也

謂助祭之時賢者居上為儀而已非能有所益

故君臣掌

祭者掌禮以行事所用其智謀或君有
故使臣攝之事亦無曠故曰君臣掌也 君臣掌則上下

均臣能行君事故此以知上賢無益也其亡茲適祭祀之時

非不上賢但庸臣亦能行君之事無損於令主人雖云
上賢而不用其智謀與祭時適故曰無益既不賢則動

皆達理故 上賢者亡謂空上之而已而役賢者昌役賢則功

成故 上義以禁暴義者所以除去尊祖以敬祖祖始也

廟所以敬始 聚宗以朝殺示不輕為主也謂聚會也小

於君而有親疎之殺 載祭明置載行也言公將為行祭

也 高子聞之以告中寢諸子高子齊大夫聞君之將行

之居中
寢者

中寢諸子告寡人舍朝不鼎饋

常禮退朝常鼎饋而食今不然

怪之

中寢諸子告宮中女子曰公將有行故不送公

言何

故不送
公也

公言無行女安聞之曰聞之中寢諸子索中寢

諸子而問之寡人無行女安聞之吾聞之先人諸侯舍

於朝不鼎饋者非有外事必有內憂公曰吾不欲與汝

及若

若不欲與汝論此言也

女言至焉不得毋與女及若言

至謂盡理

吾欲致諸侯諸侯不至若何哉女子不辯於致諸侯

婦人

無豫於外政故不明於致諸侯之理

自吾不為污殺之事人布織不可得

而衣

汚殺言然人必有所許殺染戮者所以伏遠而來
近今既為人雖織不為已用故有布不得而衣言

此者欲桓公立
威以服諸侯也

故雖有聖人惡用之

服者寡也后不用
威聖人亦何能用

之堯為匹夫不能
服三家即其事也

能摩故道新道定國家然後化時乎

摩謂新其事也故道謂先王之典刑新道謂度時而制
法言能摩故道以成新道定國安家然後可以化時也

國貧而鄙富苴美於朝市國

言國朝貧而邊鄙富饒若
此者邊鄙之邑必苞苴財

貨好遺朝以
市權利也

國富而鄙貧莫盡如市

國富財故富鄙輸
貨故貧其取半反

也其物莫知盡入於市以市人
不虛取故鄙人不虛與故也

市也者勸也勸者所以

起本

善農者能多致市利則自
勸而不怠故能起本也

善而末事起不侈本事

不得立

侈謂饒多也未事不饒多農事不給故本事不得立

選賢舉能不可得惡

得伐不服用

欲伐不損用必待賢能

百夫無長不可臨也

若無賢雖百夫

之長無人為之

千乘有道不可脩也

雖千乘之國有道以用之則不可脩營而伐之也

夫紂在上惡得伐不得

紂在上位萬人憐之鬼神怒之雖其旅若林莫不倒于自伐故

無有伐而不得者也

鈞則戰守則攻

言伐紂者力鈞則與之野戰城守則固而攻之

百益

無築千聚無社謂之陋一舉而取天下有一事之時也

言紂人苟且雖有千聚之夫不立一社以統之如此者為政之陋也故武王一舉取天下而有之此萬代一時

之事也

萬諸侯鈞萬民無聽

雖使萬諸侯鈞引於人必不聽此言三者貴

上位

不能為功更制其能王乎

居上位不獨立其功不更其制之若此者必不能王也

緣故脩法以政治道則約殺子吾君故取夷吾謂替君子

之子也其能緣順故常脩理法制為政不違於道若此者可共謀要殺君子之不當立者吾君所以取夷吾為

替者為有公道何若問何以獨對曰以同以其德智其

日久臨可立而待鬼神不明謂君子不當立者雖久臨其位危亡可立而待其享

祭鬼神之禮又不能明也囊索之食無報明厚德也此論桓公之隱雖以囊索之食

遺人不求其報所以明厚德也沈浮示輕財也其散施於人不顧其沈所以示輕財也不得其

報曰沈得報曰浮或先立象而定期則民從之先立法象與人

定期人則率服皆順從也故為禱謂先人禱神祈福祥朝縷綿明輕財而重名

縷帛也言每於朝置綿以賞賜所明者輕財而重名者也公曰同臨所謂同者其以

先後智渝者也

所謂臣德同君者能先後於君其遇危難則智謀變而通之詩所謂子曰有先

後者鈞同財爭依則說假令財與人鈞同人則說而爭依於已十則從服

若財十倍多彼則服而從之萬則化成功而不能識若財萬倍多彼則變化而無不

如意故可以成功而民期然後成形而更名則臨矣言人

心期以為主相與樂推然後成形於以名前所服之人則臨之以為君矣請問為邊若何所問

以防禦邊境對曰夫邊日變不可以常知觀也邊者兩國交爭寇敵伺鄰

日有變當應機而動
故不可以常智亂

民未始變而是變是為自亂
未變者應

機未發且當循常而伺之
今人未當變而輒為變此謂先時也更益其亂故曰是為自亂也

請問諸

邊而參其亂任之以事因其謀

諸變則四變也謂參驗知其委變之亂然後以

事任之因其所謀而用之此已上公問之辭也

方百里之地樹表相望者丈夫

走禍婦人備食

謂百里之國自國都至邊境每於高險之處樹立其表使遞相望其有寇賊之

禍丈夫則走而奔命婦人則備食以給之也

內外相備

外拒寇以防內內備食以給外故曰相備

也
春秋一日敗曰千金稱本而動

春秋種獲尤為農要此二時而有戰但經

一日敗費千金故為國者必當稱本而動也

候人不可重也唯交於上能必

於邊之辭

候人謂謁候之來入國者候人入國或伺我虛實覘我動靜不可使重之唯有能與上交

必定邊境之辭至國不易者其可重也

行人可不有私不有私所以為內

因也

行人使人也若何而可唯不有私耳無私則意成故能為國內成事者也

使能者有主

矣而內事

使人出境必有所主其所主者欲成內國之事

萬世之國必有萬世

之實

無萬世之實不能成萬世之國也

必因天地之道

天地之道順以動者也

無

使其內使其外

應內而外失外情也

使其小毋使其大弃其國寶

應小而失大事之宜大臣國之寶也今非理使之故曰弃國寶也

使其大貴一與而聖

稱其實使其小可以為道

謂使其大臣當尊之一與其事必無轉移知此則舉輒有

成能立聖人之功謂稱其實矣能則專專則佚使得其能於事必專專則功成故佚椽能

踰則椽於踰

椽猶梯也謂鑿椽以為梯凡欲踰越高遠必因梯而後能若不因梯直欲踰之則不

能踰矣然則踰因梯而踰矣此踰成功必有良臣賢佐然後事遂而名立也

能宮則不守而

不散

宮謂防禦之國四國也能有四國之宮則不有寇難若無宮直欲守之其衆必散也

衆能伯

不然將見對

伯長也謂材能之士衆必能為之長若不長之豪傑之人將來對已以兩雄角兩

雄之道也君子者勉於紕人者也

君子者德民之稱故但紕察人不為人所紕非

見紕者也故輕者輕重者重前後不慈

輕謂臣人重謂君也凡君臣所

以能相慈者輕能事重重能制輕然後慈惠之心油然而生矣今輕自在輕重自在重或前或後不相交接否之

謂也何慈臣須君食故凡輕者操實也必操君實也以輕則可使而輕

之有乎操實則重不可起重無實則輕重有齊重重以為國者

可使也輕不可起輕重有齊重重以為國者

不限則輕以為死可以道使輕母全祿貧國而用不足欲

其祿不以與下則賢去而人母全賞好德惡亡使常雖

散故國逾貧而用逾不足也母全賞好德惡亡使常雖

好德全賞而不與雖曰惡亡所請問先合於天下而無

使者乃常人若此者敗亡之道私怨謂與天下合同人皆犯強而無私害雖犯於強乃

私害謂貢楚為之若何對曰國雖強令必忠以義今忠

苞茅之比也強弱令必敬以哀弱必免也雖

雖強必國雖弱令必敬以哀弱必免也強弱不犯則

人欲聽矣

犯雖輕弱則人違之

先人而自後而無以為仁也

先人自後

大國禮之何仁之為也

加功於人而勿得

施功而不求於報也

所索者遠矣

索貨而匱民者當遠之也

所爭者外矣

交爭無禮者當遣之外也

明無私交則無

內怨

私交則不公而偏故內怨起之

與大則勝

能親與大國故得勝

私交衆則怨

殺夷吾也

使君私交者夷吾之由故恐衆怨而殺之

如以予人財者不如無

奪時如以予人食者不如毋奪其事

不奪其事則各安其業食無不足也

此謂無外內之患事故也

財食足則外內之患忘也

君臣之際也

君臣

非有骨肉之親但以禮義相接也

禮義者人君之神也

禮義在則君尊臣卑萬人以寧

故曰 且君臣之屬也 以義相屬 親戚之愛性也 相親相愛性也 使君

親之察同索屬故也 索求也君親之於臣子同求其愛敬矣故事也臣雖屬君當以事親

之故 使人君不安者屬際也 使君不安其位者則臣但事君無愛敬故也

不可不謹也 臣無愛敬或化為仇敵故不可不謹之也 賢不可威 威賢則邦國殄瘁

能不可留 材能當引用之不 杜事之於前易也 水鼎之

汨也 森山之事先其未然而杜塞之則甚易猶水之在鼎以烹之食事亦不擾也 人聚之壤

地之美也 由是地美故人聚之也 人死之若江湖之大也 人所以為君致

死者則君量若湖水 求珠貝者不令也 君之於人有所簡擇若求珠貝之大無不容納故也

之為也人必去而不令之逐神而遠熱交解者不處兄遺利君之於人也使

敬之若逐神長之若遠熱其逐神者交解祭祀不敢留處其遠熱也雖有兄弟之親亦遺利而去君之尊嚴莫

與大誰敢窺覲之哉夫事左謂人君行事不得正中國之人觀危國過君而

弋其能者豈不幾於危社主哉中國謂得禮義之中國也弋取也中國之人見

危國過君不能用賢道為已用如此則過君之社主近於危也利不可法故民流神不

可法故事之神亦不得其法不知神之所在故天地不

可留故動化故從新天施地化日夜不息故能生成不已以天地變不可留停故動化其

故以就其新然亦循故之四時周而復始無所易之也是故得天者高而不崩謂

天變化日新之理故能常得人者卑而不可勝得人則

故雖身是故聖人重之謂重人君重之謂重故至貞生

不可勝謂重至信至貞正也謂正心生則言往至絞生絞謂急言私

往而無其實則至至信生而應之也至自有道正生則信至言往則絞來

道不務以文勝情以文勝情情彌虛也不務以多勝少少是能正

不能勝之不動則望有廡君子儼然不動旬身行旬均也君

令均平正直法制度量王者典器也理國之常器也執故義道畏變

也君人執守故義以尊於道者天地若夫神之動化變

也 君人執守故義以尊於道者 畏輕躁之人妄有所變也

者也天地之極也

若能祀神而動化變流弊天地之極理善莫大焉

能與化起

而王用則不可以道山也

若能隨神化而起王有天下其所運用則不可以常道格

之其富饒取類於山也

仁者善用智者善用非其人則與神往矣

非其人尚能用之則明無不用如此者可謂通靈合契與神往來也

衣食之於人也不可

以一日違也

一日違衣食生理或幾乎不全也

親戚可以時大也

謂時大聚

會之以結其恩意

是故聖人萬民艱處而立焉

人者難靜而易擾故聖人處立

其上有戰兢之心畏難之也

人死則易云

死者無所為不憂其為亂故易云也

生則難

合也

生者有利欲之心合而無防或生姦謀故難合

故一為賞再為常三為固

然謂一時行其賜人則欣賴以為賞頻再為之則人以
為常謂至此時必當有賞頻三為之則以為理固當

然無懷愧之心其小行之則俗也若小行其賞則人習之久之

則禮義久而一行厚賞則人荷德故無使下當上必行

之無使下人每至時承然後移商人於國非用人也既

不希上賞則專意於市商人皆移來入國也不擇鄉而處不擇君而使商人

利往來故不擇鄉商人出國唯從利出則從利入則不守商人入國遇寇難

則恒怯而苟免商人雖不為國國之山林也則而利之用亦有利於國

猶山林也隨取而得其利市塵之所及二依其本市則

則當容受而取其利也市則聚

喧囂尤多塵埃今使工商二族
依之以為本此亦處物之宜也
故上侈而下靡得商賈之利故

上侈而下靡而君臣相上下
得商工之用故依儀相親則君臣之

財不私藏相親則情公故不私藏財然則貪動枳而得食矣枳棘者所為擁

塞也農人貪商賈而動者則多枳塞
其幸者但得貪食而已無餘利也
徙邑移市亦為數

一其有田邑之人今移於市
此亦為費數而得一耳
問曰多賢可云問多賢之理可言不

對曰魚鼈之不食呬者不出其淵樹木之勝霜雪者不

聽於天霜雪不能殺是不聽於天也士能自治者不從聖人能自理者則有

餘不從聖人能自理則雖聖人不能夷吾之聞
而求之也致自斯之外何可云者

之也不欲強能

材能之士心不慕已勿強引之也

不服智而不牧

士之材智

上不服則勿養之

若旬虛期於月津若出於一明然則可以虛

矣

匝一月日期津明潤貌君人之道當若每旬之虛而任數自期以來日既至津然後出一明矣如此虛而

任數理足自明人但虛懷接物賢才自至亦猶是也

故阨其道而薄其所予則士

云矣

士之道藝則能阨而服之至人所與則薄而少之如此則必自來其理可言也

不擇人而

予之謂之好人不擇人而取之謂之好利

遇人則與無所簡擇可謂

多所愛所愛多不當

審此兩者以為處行則云矣

兩者謂不擇取與不擇而取寧

不擇而與用此以為處身之行則其理可云矣

不方之政不可以為國

不方之政謂邪

也曲靜之言不可以為道

靜謀也

節時於政與時往矣

凡為

節度當合於時所施政教與時俱往

不動以為道齊以為行

守正不動以為道齊整肅

然以此為行也

避世之道不可以進取

苟避世則晦明藏用若無所能故不可進取

陽者進謀幾者應感

顯明其事者欲進而為謀幾理之動唯應所感也

再殺則

齊

一殺尚有參差必再殺然後可齊
文王再駕伐崇武王再伐紂也

然後運可請也

既齊

則天下服故請問歷數之運將陟帝位也陽者進謀已下公問之辭也

對曰夫運謀者天

地之虛滿也合離也

言歷運之謀崇替相因若天地之有滿虛合離乃理之不可已者也

春夏為合
秋冬為虛

春秋冬夏之勝也

若無春秋冬夏之變則不能相勝而成歲有道之伐

無道亦猶是也

然有知強弱之所尤然後應諸侯取交

尤殊絕也謂應

運而王者必有智而強殊絕於衆然後應諸侯可以取天下之交

故知安危國之所存

以時事天以天事神

謂以神禮事也

以神事鬼

謂依時而享鬼也

故國

無罪而君壽而民不殺智運謀而雜繫刃焉

雖用智運謀亦須威

以成之故曰雜繫韜也

其滿為感

感則物應故滿也

其虛為亡

亡則物散故虛也

滿虛之合有時而為實

滿時為實也

時而為動

虛時為動散也

地陽

時貸

地在陽時假貸萬物精氣以長養也

其冬厚則夏熱其陽厚則陰寒

厚謂過於寒熱冬有極寒夏有極熱夏有極熱冬有極寒

是故王者謹於日至

謂冬至夏

也當知二至之寒熱也 故知虛滿之所在以為政令 知其寒熱之虛為時令以

順已殺生其合而未散可以決事 時冬時既有肅殺其萌芽內發欲生也然

其時方寒合而未有時可以決斷罰罪之事也 將合可以禹其隨行以為兵 謂

事端初見也謂夏末初秋之時寒涼方至將 疑合初見其禹隨此時而行可以為兵威也 分其多少

以為曲政 兵之所由各有多少 請問形有時而變乎 謂

年多吉凶對曰陰陽之分定則甘苦之草生也 陰陽之分定於

吉則有甘草生薺是也定 於凶則苦草生葶蘆是也 從其宜則酸醎和焉 謂從四時之宜

以酸醎之味和而食焉 而形色定焉以為聲樂 酸色青醎色黑

青聲角黑聲羽
言定色而生聲

夫陰陽進退滿虛亾時其散合可以視

歲唯聖人不為歲

言陰陽滿虛散合可
視知歲之豐荒也

能知滿虛奪餘

滿補不足

聖人善識滿虛之所在
故奪有餘者補於不足

以通政事以贍民常

或滿與虛萬人均平故能通
達政事贍足於人使脩常道

地之變氣應其所出

謂地
見災

變之氣應其所出
之處設法以禳之

水之變氣應之以精受之以豫

水見
災變

之氣則當應之以精誠其祥不弭
當受之者須預有所防備之也

天之變氣應之以正

天見災變之氣唯
守正以應之也

且夫天地精氣有五不必為沮

謂五
行之

時也其時之氣不
能必則為沮敗也

其亟而反其重亥動毀之進退即此

數之難得者也

其為沮敗也或纔有形而違反者或遲重滯疑久而不去者或發動而有所毀

傷者或乍進乍退者凡此皆災敗之數難得而知之者

此形之時變也

謂歲年之形有變也

沮平氣之陽若如辭靜

言欲沮敗平和之陽氣默至而無形聲如辭言之靜者

餘

氣之潛然而動愛氣之潛然而哀胡得而治動

災之餘氣潛然

發動愛憐之氣已潛然而哀則氣候之動難知者也故曰胡得而治動自沮平已下公問之辭

對曰得

之衰時位而觀之

得其沮氣衰敗之時立分位而觀察之

佖美然後有輝

佖深思貌謂深得其美理然後情魂悅而貌輝然也

脩之心其殺以相待

既知災氣之所

召則脩德於心以禳之其凶殺之至必有以待之

故有滿虛哀樂之氣也

當察災而

德禘或滿而樂或虛而哀也

故書之帝八神農不與存為其無位不

能相用問運之合滿安臧

易之所序五帝謂伏羲神農黃帝堯舜書之所記三王夏

殷周然於八帝之中神農所存事迹獨少則以不為位以觀災處氣又不用公問自今之後運之合滿何所藏

隱可得知之乎

二十歲而可廣十二歲而聶廣百歲傷神

管子對曰

從今之後二十歲天下安寧德義可廣又十二歲代將亂而攝其廣又百歲之後天下分崩鬼神之祀絕矣

周鄭之禮移矣

禮移則俗變也

則周律之廢矣

周之法則壞矣

則中國

之草木有移於不通之野者

時既戰爭廢於農事稼穡之地荆棘生焉故草之屬

移變於不通之野

然則人君聲服變矣

聲謂樂聲衆亂則聲服俱變

則臣有

依馱之祿

依稱也。代衰則臣富，故臣多。養馱馬及其受祿，又以稱之。婦人為政，鐵之

重反旅金

君幼則母后為政，鐵者所以為兵器，當重之。謂下流卑識，不重鐵，反旅陳於金而玩之者

也。而聲好，下曲食好，鹹苦

謂聲之下而悲者，食多鹹，苦之味者，婦人之所好。則

人君日退，亟

既使婦人為政，則百度昏人。君之退衰也，豈不亟急哉。

則谿陵山谷

之神之祭，更應國之稱號，亦更矣

更改也。國衰則神之祀改其所應祭國之

稱號亦更矣。市朝既變，後聖既作，故改其國號。

視之亦變

旌麾之屬，日視而取節令變矣。觀之

風氣古之祭，有時而星

或祭星以祈風，氣之和者也。

有時而星熿

星熿

之明或有

有時而燠

燠熱甚也。謂旱熱甚而祭

有時而胸

胸遠也。或遠而為來

歲祈福而祭之也

鼠應廣之實陰陽之數也


鼠憂也凡此皆君之憂人故廣為祈

福祥而祭之調陰陽為物也

華若落之名祭之號也

言祭時為物作美號若花落之

位物益其光輝是故天子之為國圖具其樹物也



管子卷十二

欽定四庫全書

子部

管子卷十三至十五

詳校官中書臣徐志晉

編修臣倉聖脈覆勘

總校官進士臣楊懋珩

校對官中書臣李 棻

謄錄舉人臣官懋弼

謄錄舉人臣官懋斌

欽定四庫全書

管子卷十三

唐 房玄齡 注

心術上第三十六

短語十

心之在體君之位也

心之在體當身之中凡身之運為皆心之所使故象君位九竅

之有職官之分也

九竅則各有職司不能以此代彼若百官之有其分也心處其

道九竅循理

心之君處常能順道則九竅所司各循理而應也

嗜欲充益目不

見色耳不聞聲

君嗜欲充益動違道則九竅失其由故目有所不見耳有所不聞也故曰

上離其道下失其事

上順道則下事得

毋代馬走使盡其力毋

代鳥飛使弊其羽翼毋先物動以觀其則動則失位靜

乃自得道不遠而難極也

能走者馬也能飛者鳥也今不任鳥馬之飛走而欲以人

代之雖盡力弊翼而終竟不能盡以喻君代臣亦然故曰不遠而不得故曰難極也與人竝處而

難得也虛其欲神將入舍

但能空虛心之嗜欲神則入而舍之

掃除不潔

神乃留處

不潔亦喻情欲

人皆欲智而莫索其所以智乎

所以智者

虛心以循理也

智乎智乎投之海外無自奪

但能虛心循理其智雖復遠投海外

虛心用之他毋從而奪之也

求之者不得處之者

將欲求之智終不知其處而得之也

夫正人無求之也

智既不可得故人亦無從而求之

故能虛無虛無無

形謂之道化育萬物謂之德君臣父子人間之事謂之

義

人事各有宜也

登降揖讓貴賤有等親疎之體謂之禮簡物

小未一道殺僂禁誅謂之法

謂簡擇於物未有能與道為一者乃殺戮禁防之此

法之用也

大道可安而不可說

大道無形無聲者也體神而安之則有理存焉如欲說之

無緒可言

直人之言不義不顧不出於口不見於色四海之

人又孰知其則

謂安道之君子雖人言其不義驚然不顧言既不出於口理又不見於色言理

既絕四海之人誰有能知其則義哉

天曰虛地曰靜乃不伐

言能體天而虛順地而靜

則道德全備故不可伐也

潔其宮

宮者心之宅猶靈臺也

開其門

門謂口也開口使順理而

言下解中門謂耳目也

去私毋言

謂無私言

神明若存

宮潔無私則神存

紛乎

其若亂靜之而自治

雖紛然而亂但靜而順之則自理也

強不能徧立智

不能盡謀

忘強與智然後所謀立能徧而盡

物固有形形固有名名當

謂之聖人

立名當物所以稱聖

故必知不言無為之事然後知道

之紀

道以不言無事為紀

殊形異執不與萬物異理故可以為天

下始

君人者必殊形異執與物同理故可以為天下主

人之可殺以其惡死也

若不惡死雖殺無益

其可不利以其好利也

若不好利雖不利之亦無懲也

是以

君子不怵乎好

怵止也。不止人好利之情。下解中作怵。

不迫乎惡

不迫移人惡死。

之意。恬愉無為去智與故其應也非所設也其動也非所

取也

故事也。既忘智則事自去。

過在自用

自用不順理則生過。

罪在變化

小聰明變。

舊章則成罪也。

是故有道之君其處也若無知

寂泊之至。

其應物也

若偶之

若符契自然而合也。

靜因之道也

凡此皆虛靜循理之道也。

心之在體

君之位也九竅之有職官之分也

此已下上章之解也。然非管氏之辭。豈有

故作難書而復從而解之前脩之制皆不然矣。凡此書之解乃有數篇。版法勢之屬皆間錯不倫。處非其第。據此則劉向編授之由曰。謂為管氏之辭。故使然也。今究尋文理觀其體勢。一韓非之論而韓有解老之篇。疑此

解老之類也

耳目者視聽之官也心而無與於視聽之事則

官得守其分矣夫心有欲者物過而目不見聲至而耳

不聞也故曰上離其道下失其事故曰心術者無為而

制竅者也

心無嗜欲之為故能制於九竅

故曰君無代馬走無代鳥飛

此言不奪能能不與下誠也

君之能不預於下之誠凡為其所能無不誠

毋

先物動者搖者不定趨者不靜言動之不可以觀也位

者謂其所立也人主者立於陰陰者靜

靜為躁君故人主立於陰也

故曰動則失位

失君位也

陰則能制陽矣靜則能制動矣

君亦能制

臣矣故曰靜乃自得道在天地之間也其大無外其小無

內

所謂大無不包細無不入也

故曰不遠而難極也虛之與人也無

間

虛能貫穿人形故曰無間

唯聖人得虛道故曰竝處而難得世人

之所職者精也

職主也言所稟而生者精也

去欲則宣宣則靜矣

宣通

也去欲則虛自行故通而靜

靜則精精則獨立矣獨則明明則神矣

神者至貴也故館不辟除則貴人不舍焉故曰不潔則

神不處人皆欲知而莫索之其所以知彼也其所以知

此也

有此然後知彼也

不脩之此焉能知彼

無此其具則不得知彼

脩之

此莫能虛矣虛者無藏也

此既脩則彼不能虛
誑者無能藏隱故也

故曰去

知則奚率求矣

率循也無知則
循理而自求也

無藏則奚設矣

既不能
隱藏則

無策謀可
以施設也

無求無設則無慮無慮則反覆虛矣天之道

虛其無形虛則不屈

屈竭也

無形則無所位

趕逆也

無所

位趕故徧流萬物而不變

無物與之
同故不變

德者道之舍物得

以生

謂道因德以生
物故德為道舍

生知得以職道之精

得其生者生
由稟道之精

也故德者得也得也者其謂所得以然也

得道之
精而然以無

為之謂道

無為自然
者道也

舍之之謂德

道之所舍
之謂德也

故道之與

德無間

道德同體而無外內先後之異故曰無間

故言之者不別也

同體故能不別

間之理者謂其所以舍也

道德之理可間者則有所舍所以舍之異也

義者

謂各處其宜也禮者因人之情緣義之理而為之節文

者也故禮者謂有理也理也者明分以諭義之意也故

禮出乎義義出乎理理因乎宜者也法者所以同出不

得不然者也

有禮則有法故曰同出也

故殺僂禁誅以一之也故事

督乎法

督察也謂以法察事

法出乎權權出乎道

權道者事從之而出

道也

者動不見其形施不見其德萬物皆以得然莫知其極

故曰可以安而不可說也莫人言至也

人無能言者理之至也

不

宜言應也

有時宜言則應物故

應也者非吾所設故能無宜也不

顧言因也

無所顧思者因舊故

因也者非吾所顧故無顧也

因舊也非

吾所為故無顧

不出於口不見於色言無形也四海之人孰知

其則言深囿也

不知深淺之囿城也

天之道虛地之道靜虛則不

屈靜則不變不變則無過故曰不伐潔其宮闕其門宮者謂心也心也者智之舍也故曰宮潔之者去好過也

去欲好之過也

門者謂耳目也耳目者所以聞見也物固有形

形固有名此言不得過實實不得延名

不得無實虛延其名

姑形

以形以形務名督言正名

姑且也且言形者以其形也

故曰聖人不

言之言應也

言則言彼形耳於我無言

應也者以其為之人者也

有人

所為故聖人得不應

執其名務其應所以成之應之道也

物既有名守其

名而命合之則所務自成斯應物之道

無為之道因也因也者無益無損

也

損益者生有為以其形因為之名此因之術也

見形而後名非因而何

名者聖人之所以紀萬物也

萬物雖多立名以紀之也

人者立於強

必強然後有所立也

務於善

必善然後成人也

未於能

能未成者習而成之

動於故

者也

凡所運動必循於故致也

聖人無之

謂無宰物之心也

無之則與物異

矣

物有我無故異也

異則虛

異於有故虛也

虛者萬物之始也

有形生於無形

也故曰可以為天下始

聖人體虛故為天下始也

人迫於惡則失其

所好

迫人於惡故失所好

怵於好則忘其所惡

為好所怵故忘其惡

非道也

二者皆非

故曰不怵乎好不迫乎惡惡不失其理欲不過其

情故曰君子恬愉無為去智與故言虛素也

凡知與言習從虛素

生則無邪欲也

其應非所設也其動非所取也此言因也因也

者舍已而以物

舍已而隨物故曰因

為法者也感而後應非所設

也緣理而動非所取也過在自用罪在變化自用則不

虛不虛則作於物矣變化則為生

謂有為於營生

為生則亂矣

故道貴因因者因其能者言所用也

就能而用故曰因也

君子之

處也若無知言至虛也其應物也若偶之言時適也若

影之象形響之應聲也故物至則應過則舍矣舍矣者

言復所於虛也

心術下第三十七

短語十一

形不正者德不來

有諸內必形於外故德來居中
外形自正詩云抑抑威儀惟德之隅

中

不精者心不治

精誠至之謂也中能誠至心事自理

正形飾德萬物畢得

翼然自來神莫知其極

正外形飾內德則下觀而化矣故萬物盡得其理也

昭知

天下通於四極

因物之義可以逆順故能昭知天下自近以及遠通達於四極

是故曰

無以物亂官

貪賄則官亂也

毋以官亂心

健美太甚則心亂也

此之謂內

德

官貨兩忘則內德也

是故意氣定然後反正

無欲則意氣定故能反正也

氣

者身之充也

氣以實身故曰身之充也

行者正之義也

行不違中正之宜者也

充不美則心不得

充不美則氣邪故心亂而不自得也

行不正則民不服

行不正則邪枉故人不

服是故聖人若天然無私覆也若地然無私

載也私者亂天下者也凡物載名而來聖人因而財之

而天下治實不傷

因名而財則物宜之不傷也

不亂於天下

而天下治

天地以及萬物皆有理存焉直莫之亂則是理矣

專於意一於心耳

目端知遠之證

但專意一心則耳目自端證知遠事也

能專乎能一乎能

毋卜筮而知凶吉乎

惠迪吉從逆凶豈勞卜筮而後知乎

能止乎能已乎

謂能止於已分能毋問於人而自得之於已乎

誠已自通問人致感故不問而

自得也故曰思之思之不得鬼神教之

誠已思而不得必有鬼神來教非

鬼神之力也其精氣之極也

鬼神雖能教不精極者令有精極惟思之極則神不

得不教豈鬼神能致其力也

一氣能變曰精

謂專一其氣能變鬼神來教謂之精

一事

能變曰智

能專一其事能變而動之謂智也

慕選者所以等事也

來助人之

或占慕之或選擇之欲令其事齊等也

極變者所以應物也

物窮則變變而通之我之

所由令極於變通之理應物者也

慕選而不亂

慕選則齊潔故不亂

極變而不煩

極變以順物宜故不煩也

執一之君子執一而不失能君萬物

一謂精專

也既精且專故能君萬物也

日月之與同光天地之與同理

所謂與天地合

其德與日月合其明

聖人裁物不為物使

聖人者裁斷於物而使物不為裁而使已也

心安是國安也

聖心安是國安

心治是國治也

聖心治是國治

治也者

心也安也者心也

理與安一在於心然後國從也

治心在於中

理心在於適中

也治言出於口

則無過

治事加於民

則無枉事故

功作而民從

則百姓治矣

功成人服非理而何

所以操者非刑也所以危者非

怒也

刑雖能操怒雖能危比之於道猶為末功物不能離道無不操違道必危是無不危也

民人

操百姓治道其本至也

必每人皆操道然後百姓理如此則道為人本豈不至哉

至

不至無

無虛也所謂至者虛之道也

非所人而亂

非至虛而為天下主必亂凡在

有司執制者之利非道也

有司執制常棄本逐末滯於刑政非道也

聖人之

道若存若亡

迎之不見其首隨之不見其後故曰若存若亡也

援而用之歿世

不亾

道無形也無形則無盡時故歿世不亡也

與時變而不化應物而不移

日用之而不化

無形則無變移之時

人能正靜者筋肋而骨強

靜能

則和氣全故筋骨肋強也

能戴大圓者體乎大方

必體大方然後能戴大圓

鏡大

清者視乎大明

必視大明然後能鏡大清

正靜不失日新其德

正靜者則

理順而功立故其德日新

昭知天下通於四極

既知天下則遠通四極

金心在

中不可匿

金之為物彌精心之為用彌明故比心於金中苟有如金之心則徵見於外不可隱匿之

也外見於形容可知於顏色

其見於外或在形容或在顏色

善氣迎人

親如弟兄惡氣迎人害於戈兵不言之言聞於雷鼓

至道

之君常言之言則人無不聞故同於雷鼓

金心之形明於日月察於父母

金心

無不耀無不知故明於日月察於父母故以言焉昔者明王之愛天下

故天下可附暴王之惡天下故天下可離故貨之不足

以為愛刑之不足以為惡貨者愛之末也刑者惡之末

也愛惡以為心本也凡民之生也必以正平正平則能故貨刑為末也保全其生

所以失之者必以喜樂哀怒喜樂哀怒過常則失其主節怒莫若樂

節樂莫若禮樂主和故能節怒守禮莫若敬禮者敬而已矣故敬能守禮也外

敬而內靜者必反其性外敬則合禮內靜則循察故能反其性豈無利事

哉我無利心豈無安處哉我無安心

亦既反性則忘其利安雖有利事安

處茂不足資也

心之中又有心

動亂之心中又有靜正之心也

意以先言

意感而得

言

意然後形

意感其事然後呈形

形然後思

有形則理可尋故思之也

思然後

知思然後得理故能知也

凡心之形過知失生是故內聚以為原

泉之不竭

內聚思慮則用之不窮猶泉之有源其可竭哉

表裏遂通泉之不涸

四支堅固

內和則外道表裏無擁故若泉之不涸而四支堅固也

能令用之被服

四固

但能用此道者則四支堅固被及其身也

是故聖人一言解之上察於

天下察於地

解則無不通物故能窮於上下

白心第三十八

短語十二

建當立

凡所建必建其當立者也

有以靖為宗

靜則思慮審為建事之宗

以時為寶

建事非時雖盡善不成時為事實也

以政為儀

政者所以節制其事故為儀

和則能久

又必

當和同然後能久也

非吾儀雖利不為非吾當雖利不行非吾道雖

利不取

凡此雖曰有利非吾儀也當也道也故皆不為之也

上之隨天其次隨人

所謂

應天順人也

人不倡不和

人倡而和事無不成也

天不始不隨

後天而奉天時則舉

無不違也故其言也不廢其事也不隨原始計實本其所生知

其象則索其形

謂君之出言人乃順而不廢其行事則有不隨若此者當原其初始計其理實尋本

其所生則其象可知象既可知則其形可索也

緣其理則知其情

順理則情自見

索其端

則知其名

索端則名自形

故苞物衆者莫大於天地

萬物共在天地之中

化

物多者莫多於日月

日陽也月陰也物皆稟陰陽之氣然後化之也

民之所急莫

急於水火

一日無水火則生理或有不全

然而天不為一物枉其時

冬不為松

栢不凋輟其霜雪夏不為薺麥枯死止其雨露也

明君聖人亦不為一人枉其法

周公不以管蔡之親休其誅放也

天行其所行而萬物被其利

冬行霜雪夏行雨露故萬

物利也

聖人亦行其所行而百姓被其利

行賞於善人行罰於凶人故天下清

而百姓蒙利也

是故萬物均既誇衆矣

誇大也天與聖人無私故萬物均蒙其利既大而且

衆也是以聖人之治也靜身以待之物至而名自治之備名責實

則下無隱情故理

正名自治之奇身名廢

奇謂邪不

名正法備則

聖人無事

正名法備則事無闕滯故聖人無事也

不可常居也

居必有時而遷不可

廢舍也

廢舍則百度弛紊也

隨變斷事也

居變則不壅塞也

知時以為度事

其時則不成也

大者寬小者局

寬則有餘局則不足

物有所餘有所不足

以有餘補不足則事平理均也

兵之出出於人

人為兵本

其人入於身而

有功入其賞賜必反於身

兵之勝從於適

適和也所謂師克在和也

德之來從於

身修身則德立也

故曰祥於鬼者義於人

義於人者則鬼祐之以福祥也

兵不

義不可

兵不義而還
自害故不可

強而驕者損其強弱而驕者亟死

亡

違禮而驕無施而可弱而驕者
則又其戾焉死之速不亦宜乎

強而卑義信其強

信音

中弱而卑義免於罪是故驕之餘卑

於驕有餘則
弱弱則卑也

卑之

餘驕

於卑有餘則
強強則又驕

道者一人用之不聞有餘

理繞用
於一人天

下行之不聞不足

無不足
於其人

此謂道矣

多少皆足
者道也

小取焉

則小得福大取焉則大得福盡行之而天下服殊無取

焉則民反其身不免於賊

殊無取焉則動皆違道
故人反背之而賊害也

左者

出者也

左為陽陽主
生故為出也

右者入者也

右為陰陰主
死故為入也

出者而

不傷人入者自傷也

出者既主生則不當傷人違而傷人是還自傷

不日不月

而事以從

但循道而往不計日月事已從而成也

不卜不筮而謹知吉凶

順道則吉違道則凶
宣須卜筮而知乎

是謂寬乎形徒居而致名

守道者靜然而

已故其身寬間徒然而居能致令名

去善之言為善之事故事成而顧反無

名

若能去言善直能為善事其事之成顧反之者默然無名也

能者無名從事無事

深能其事者必不求名然其從事安然間暇若無事然也

審量出入而觀物所載

凡謂

出命今當觀物載之所堪然後當量而出之也

孰能法無法乎始無始乎終無

終乎弱無弱乎

凡此皆謂為而忘之者也

故曰美哉第第

第第興起貌謂能為

而不為有契於道如此則
功美日興故曰美哉弗弗
故曰有中中有中
舉事雖得其中而不為中

乃是有
孰能得夫中之衷乎
得於中之損折中者其唯忘中乎
故曰功

成者隳名成者虧故曰孰能弃名與功而還與衆人同

君弃功名則與衆不異同於物者誰能害之也
孰能弃功與名而還反無成
弃功

名則無無成有貴其成也
能貴無成有成貴其無成也
乃是成也

若其貴成日極則仄月滿則虧極之徒仄滿之徒虧
謂

巨之徒滅
謂能立大功也
孰能已無已乎效夫天地之紀
天地忘形

者也能效天地人言善亦勿聽人言惡亦勿聽
譽之不勸非之

沮持而待之空然勿兩之淑然自清但無心而待則淑然和美善惡自清

也無以旁言為事成察而徵之無聽辨無以旁譽之言以為事成功無

聽其利口之辨言悅之也萬物歸之美惡乃自見萬物之歸當順而容之其美之與惡

終自顯見也天或維之地或載之天莫之維則天以墜矣地

莫之載則地以沈矣夫天不墜地不沈夫或維而載之

也夫天張於上地設於下自古及今而不沈墜者必有神靈維載之故又况於人人有

治之辟之若夫雷鼓之動也必有以而動也夫不能自搖者夫

或撻之無識之物皆不能自搖有時而動則物搖之也夫或者何若然者也有風

時搖動誰使然也

視則不見聽則不聞

謂風

灑乎天下滿

風之洒散滿天

下不見其塞

風無壅塞時也

集於顏色

寒者遇風則色慘熱者遇之則清也

知於

肌膚

惟肌膚能覺風

責其往來莫知其時

責問其往來則不得正時

薄乎其

方也

謂過方則為方

鞞乎其圜也

鞞復貌謂過圓則為圓也

鞞鞞乎莫得其

門

雖復圓轉終不見其門也

故口為聲也耳為聽也目有視也手有

指也足有履也事物有所比也

今夫口手目足各有其在非徒然也必精神之

比夫事物之動搖則風使之然然求風則不得語神亦不見之也

當生者生當死者死

或死或生亦神為之主

言有西有東各死其鄉

雖其所居有東西之異至於各死其

鄉則無不均也

置常立儀能守貞乎

人人理則置之常法立之儀則而勿失者可謂正乎

常事通道能官人乎

有能守其常事隨時變通不違於道如此者可以官於人

故書

其惡者言其薄者上聖之人

聖通也既設法以教之立官以主之猶有惡薄而不

化者則書而陳之居上者然後化而通之也

口無虛習也手無虛指也物至

而命之

口之習也手之指也終不徒然必以事物之至或以手指之或以口命之

耳發於名

聲凝於體色此其可諭者也

名聲之至耳聽之內流於心外凝結於體色如此者

性之敏惠故可以德義告諭也

不發於名聲不凝於體色此其不可諭

者也

不發不凝所謂頑鄙者也故不可告諭也

及至於至者教存可也教亡

可也

謂人可誘令至於所欲至如此者存亡教故存亦可教亡亦可也故曰濟於舟者

和於水矣

水和靜無有波浪則能濟舟

義於人者祥其神矣

與人理相宜則

神與之福祥也

事有適而無適

事雖有所適可常者若無適然

若有適觸解不

可解而後解

雖時有適潛默周密人莫知其由然結必待觸而後解觸所以解結也

故善

舉事者國人莫知其解

周密若結故不能知其解

為善乎毋提提為

不善乎將陷於刑

提提謂有所揚舉也欲為善乎則人以我謙退無所舉欲為不善又恐陷

於刑罰也

善不善取信而止矣

善與不善足以為物所信則止矣此言可以為善不善之

取也若左若右正中而已矣縣乎日月無已也

左陽謂善也右陰謂

不善也言處陰陽之中得其正而止若能
常得中則名與日月俱懸而無已時也
惛惛者不以

天下為憂

惛惛守正者忘天下故不憂也

刺刺者不以萬物為筴

刺刺探求

自謂智謀之士能忘智當操求物理而經營切為策也

孰能弃刺刺而為惛惛乎

智者勞而失惠忘德者佚而歸之也

難言憲術須同而出

凡為法術必重難須同衆心然

後出之矣無益言無損言近可以免

又曰損益之事當潛而為之

故曰知何知乎謀何謀乎

雖知之常曰何知雖謀之常曰何謀此慎密之至

審

而出者彼自來

審而出者必同於彼故自來

自知曰稽

自知則能考彼矣

知

人曰濟

知人則能以濟同不以和濟同也

知苟適可為天下周

自知能稽知人

能濟所謂道也若此

可為天下之周慎也

內固之一可為長久

適可以知內自固之則長

久論而用之可以為天下王

既固於心度時論用如此可以為天下王

天之

視而精

道既可王天下則於天能精之也

四壁而知請

四壁周禮所謂四珪有邳

者也祭天所奠也同邳於壁故曰四壁既

能知天則祭以四壁而祈請其福祥也

壤土而與生

天既降福故壤土為之生百穀也

能若夫風與波乎唯其所欲適

風動波應

大小唯所欲適天地之應聖人亦猶是也

故子而代其父曰義也

臣而代其君曰篡也

篡何能歌武王是也

武王以臣代君

則非篡也謂之篡之豈能使紂之衆前歌後舞乎則武王以臣代君於理是也

故曰孰能去辯

與巧而還與衆人同道

武王伐紂所以不為篡者則以紂恃其辯巧自異於物逆天絕

理毒流四海故也向能去其辯巧與衆同道何武王之敢窺哉雖欲伐之故得篡名

故曰思索精

者明益衰德行脩者王道狹

思索太精則矜名故王道狹也

臥名利者

寫生危

臥猶息也寫猶除也息名利則除身之危

知周於六合之內者吾

知生之有為阻也

周其智於六合則神傷竭故於其生有阻難也

持而滿之乃

其殆也

持滿者善覆故危也

名滿於天下不若其已也

名滿於天下則華揚

而實喪

名進而身退天之道也

未有能名身俱進者

滿盛之國不可

以仕任

滿盛則敗亡故不可任其仕也

滿盛之家不可以嫁子

嫁子於滿盛之

家則與之俱亡驕倨傲暴之人不可與交

交於驕暴則危亡反已也

道之大

如天

無不覆也

其廣如地

無不載也

其重如石

萬人之力不能舉也

其輕如

羽

一人載之不為重

民之所以知者寡故曰何道之近而莫之

與能服也

服行也

弃近而就遠何以費力也

道近在身不能求之於已

而望之於人終無得時故曰費力也

故曰欲愛吾身先知吾情

知已情則能自保其

身君親六合以考內身

遍六合之種一一考之於身皆備之則何須弃身而遠之也

以此知象乃知行情

於身知象乃知可行之情

既知行情乃知養生

知行情則不達理不達理則生全故曰乃知養生

左右前後周而復所

行身之道或從

左右或從前後行之
既周還復本所也
執儀服象敬迎來者
執常儀行常象將來可行

之理敬而迎之
今夫來者必道其道
上道從也將來之理必道而來從也
無遷無

行命乃長久
理既從道而來但遵而行之無遷移無寬衍動而為之則命久長也
和以反

中形性相葆
事既安和反歸中理如此則形全性順故能相保也
一以無貳是謂

知道將欲服之必一其端而固其所守
固守則道自行
責其往

來莫知其時
若責生之往來則期不定
索之於天與之為期
求性命之理於

天則期時可知也
不失其期乃能得之
既不失期則性命之理得也
故曰吾

語若大明之極
若女也大明之極謂天也
大明之明非愛人不予也

愛惜也非有所隱惜於人而不與之也

同則相從反則相距也

與天同則從反則距

也吾察反相距吾以故知古從之同也

察今反則有距故知古之從者

以其同也

管子卷十三

欽定四庫全書

管子卷十四

唐 房玄齡 注

水地第三十九

短語十三

地者萬物之本原諸生之根菀也

菀圓城也

美惡賢不肖愚

俊之所生也

謂生於地

水者地之血氣如筋脈之通流者也

水言材美具備其潤澤若氣以支持於地若筋分流地上若脈也

故曰水具材也

言水材美

具何以知其然也曰夫水淖弱以清而好灑人之惡仁

也滓和也惡垢穢也視之黑而白精也視其色雖黑及揮揚之則白如此者精也量

之不可使概至滿而止正也以意量之則多少不可以概注於器滿則止不可加

判如此者正也唯無不流至平而止義也方圓邪曲無所不流平則止不可增高如

此者義也人皆赴高已獨赴下卑也卑也者道之室王者之

器也道以卑為室王以卑為器也而水以為都居都聚也水聚居於下卑也準也

者五量之宗也水可為平準五量取則焉故為五量之宗也素也者五色之

質也無色謂之素水雖無色五色不得不成故為五色質也淡也者五味之中也

無味謂之淡水雖無味五味不得也不平也故為五味中也是以水者萬物之準也萬物

取平焉故曰準也

諸生之淡也

能濟諸生以適中故曰淡也

違非得失之質

也得亦自水生焉失亦自水生焉故為得失之質

是以無不滿無不居也集於

天地

雨從天降而亦有河漢故水集於天地

而藏於萬物

動植之物皆含液也

產於

金石

揀金於山石之穴或有溜泉焉

集於諸生

諸合生類皆得水而長之

故曰水

神

莫不有水焉不知其所故謂之神也

集於草木根得其度

得其生之度

華得

其數

得其榮落之數

實得其量

得其生熟之量

鳥獸得之形體肥大羽

毛豐茂文理明著萬物莫不盡其幾

幾謂從無以適有也

反其常

者

常謂長育之常數也

水之內度適也

內度謂潛潤之度也

夫玉之所貴者

九德出焉夫玉溫潤以澤仁也鄰以理者知也

鄰近也
玉文相

適近理各自
通如此知也

堅而不感義也

感屈聚也
如此義也

廉而不剋行也

鮮而不垢潔也折而不撓勇也瑕適皆見精也

瑕適玉
病也以

其精神故
不掩瑕適

茂華光澤竝通而不相陵容也叩之其音清

搏徹遠純而不殺辭也

象古君子
之辭也

是以人主貴之藏以

為寶剖以為符瑞九德出焉

人主所以寶而藏之
為符瑞九德之故

人水

也男女精氣合而水流形

陰陽交感流
布成形也

三月如咀咀者

何曰五味五味者何

咀咀口和嚼之謂三月之
胚渾初凝類口所嚼食也

曰五藏

五味出於五藏後也酸主脾鹹主肺辛主腎苦主肝甘主心五藏

已具而後生肉脾生隔隔在脾肺生骨腎生腦肝生革

革皮心生肉五肉已具而後發為九竅脾發為鼻肝發

為目腎發為耳肺發為竅五月而成十月而生生而目

視耳聽心慮目之所以視非特山陵之見也察於荒忽

耳之所聽非特雷鼓之聞也察於淑湫心之所慮非特

知於麤麤也察於微眇故修要之精言精思是理修要妙之精也是

以水集於玉而九德出焉凝蹇而為人蹇停也言精液凝停則為人

而九竅五慮出焉

五慮謂耳目鼻口心也

此乃其精也

九竅五慮是身之精

精麤濁蹇能存而不能亡者也

謂人之稟氣麤濁而蹇但能存而不能亡也

伏閭能存而能亡者著龜與龍是也

言龜龍稟氣微妙悠遠而暗冥故能

存亡而為變化也

龜生於水發之於火

謂卜者以火鑽灼之

於是為萬物

先為禍福正

謂龜得水火之靈故先知於萬物識禍福之正也

龍生於水被五

色而游故神

得水不測之靈故神

欲小則化如蠶

蠅中蟲

欲大則

藏於天下

言能隱覆天下

欲上則凌於雲氣

尚上也

欲下則入於

深泉變化無日

隨時而變不期於日

上下無時謂之神龜與龍伏

閻能存而能亡者也或世見

謂下谷不能水不絕之也

或世不見者

謂涸川水有時而絕

生螭與慶忌

世見生慶忌世不見生螭也

故涸澤數百歲

谷之不徙水之不絕者生慶忌

謂涸澤之中有谷有水谷不徙而水不絕也

慶忌者其狀若人其長四寸衣黃衣冠黃冠戴黃蓋乘

小馬好疾馳以其名呼之可使千里外一日反報此涸

澤之精也涸川之精者生於螭螭者一頭而兩身其形

若蛇其長八尺以其名呼之可以取魚鼈此涸川水之

精也是以水之精麤濁蹇能存而不能亡者生人與玉

伏聞能存而能亡者著龜與龍或世見或不見者螭與慶

忌故人皆服之

謂服用水

而管子則之

言管子獨能知水法則也

人皆有

之

莫不有水

而管子以之

以用也言管子獨能用水也

是故具者何也水

是也

言水無理不具也

萬物莫不以生

得水以生

唯知其託者能為

之正具者水是也

託依也能知水理之所依者能正於萬物故理之具者水也

故曰

水者何也萬物之本原也諸生之宗室也美惡賢不肖

愚俊之所產也何以知其然也夫齊之水道躁而復故

其民貪麤而好勇

以水道迴復故令人貪以其躁速故令人麤勇也

楚之水淖

弱而清故其民輕果而賊

以其淳弱故輕佚清則明察故人果賊也

越之水

濁重而洎故其民愚疾而垢

洎浸也濁重故愚浸則多所漸入故疾垢也

秦

之水泔最而稽淤滯而雜

最絕也稽停留也謂秦水絕甘而味停留又泥淤沈滯與

水相雜也

故其民貪戾固而好事

以其泔而稽故貪戾以其滯雜故誣而好事

齊

晉之水枯旱而運淤滯而雜

齊晉謂齊之西而晉之東枯旱謂其水慘澁而無光

也故其民諂諛葆詐巧佞而好利

以其運故諂諛以其淤枯旱故葆詐以其於

雜故巧佞而好利

燕之水萃下而弱沈滯而襍故其民愚戇而

好貞輕疾而易死

沈故愚戇而好貞萃雜故輕疾而易死也

宋之水輕勁而

清故其民間易而好正

輕故易清勁故好正也

是以聖人之化世

也其解在水

言解人之邪正嘗水而知

故水一則人心正

一謂不雜

水清

則民心易一則欲不污

人心既一故欲不污穢

民心易則行無邪

易直則無邪也

是以聖人之治於世也不人告也不戶說也其

樞在水

樞主運轉者也言欲轉化於人但則水之理故曰其樞在水也

四時第四十

短語十四

管子曰令有時

王者命令必有其時

無時則必視順天之所以來

視謂觀而察之若不得時則必觀察其所致改革以順天道之來也

五漫漫六惛惛孰知

之哉

漫漫曠遠六謂陰陽四時其理微暗既漫且惛故知之者

也唯聖人知四時不知四時乃失國之基不知五穀之

故國家乃路

路謂失其常居

故天曰信明地曰信聖

言能信順天地之道

則而行之者曰明曰聖也

四時曰正

順行四時之令曰正也

其王信明聖其臣

乃正

君明聖則能用賢材故正也

何以知其王之信明信聖也曰慎

使能而善聽信之

謂能聽信賢材之人

使能之謂明

使任賢能則為明也

聽

信之謂聖

既聽其言又信其事所以為聖

信明聖者皆受天賞

信明者天福也

使不能為惛

既使不能所以為惛

惛而忘也者皆受天禍

惛忘則動皆違

理故受天殃也

是故上見成事而貴功則民事接勞而不謀

謂君

見下有成則能貴賞其功是上能以思接人事故雖下勞不謀上報其事也

上見功而賤則

為人下者直

恃其功勞故肆直也

為人上者驕

不恤下功則以驕恃故也

是故

陰陽者天地之大理也

天地用陰陽為生成

四時者陰陽之大經

也

陰陽更用於四時之間為緯也

刑德者四時之合也

德合於春夏刑合於秋冬

刑

德合於時則生福詭則生禍然則春夏秋冬將何行東

方曰星

東方陰陽之氣和雜之時故為星星亦不定於陰陽也

其時曰春

春蠢也時物蠢

也而生

其氣曰風

陽動而陰寒為風也

風生木與骨

木為風而發暢骨亦木之類也

其德喜羸而發出節

出生也言春德喜悅長羸為發生之節也

時其事號令

脩除神位謹禱弊梗

梗塞也時方開通而有弊敗梗塞者則禱神以通道之

宗正

陽

春陽事故以正陽為宗

治隄防

夏多水潦故於春預脩隄防

耕芸樹藝正津

梁

謂正橋梁也

脩溝瀆甃屋行水

甃者使之行水也脩屋壞時方溉灌依次行而用

解怨赦罪通四方

凡此皆助發生之氣

然則柔風甘雨乃至

柔和也

百姓乃壽百蟲乃蕃此謂星德

星以和為德也

星者掌發為風

掌主也主以風發生

是故春行冬政則雕

肅殺之氣來故雕落也

行秋政則

霜

秋霜降時也

行夏政則欲是故春三月以甲乙之日發五

政甲乙統春之三時也 一政曰論幼孤舍有罪二政曰賦爵列授

祿位列次也 三政曰凍解脩溝瀆復亡人人之逃亡者還復之 四政

曰端險阻路有險阻理之使端平也 脩封疆正千伯千伯即阡陌也 五政曰

無殺麋夫毋蹇華絕芊蹇拔也芊之屬其根經冬不死不絕之也 五政苟時

春雨乃來南方曰日南方太陽故為日也 其時曰夏夏假也謂時物皆假大也

其氣曰陽夏之氣也 陽生火與氣陽為鬱熱歎蒸故為火氣也 其德施舍

脩樂施舍謂施爵祿舍逋罪脩樂謂作樂以修輔也 其事號令賞賜賦爵受祿

順鄉順鄉謂不違土俗之宜也 謹脩神祀量功賞賢以動陽氣陽氣主仁

故行恩賞以助之也

九暑乃至

九暑謂九夏之暑也

時雨乃降五穀百果乃

登此謂日德

日以照育為德也

中央曰土

土位在中央而寄王於六月承火之後以

土火之子故也而統於夏所以與火同章也

土德實輔四時入出

王在四時之季與之

入以風雨節土益力

土德雨遍益其生植之力

土生皮膚肌膚

土所生木實成

皮與肌膚

其德和平用均

土無不載無不生故和而用均也

中正無私

位居中正

無偏私

實輔四時春羸育夏養長秋聚收冬閉藏

言上之四時皆

土之所輔成也

大寒乃極國家乃昌四方乃服

言土輔四時使均成然後寒極

而成歲國昌民服

此謂歲德

言土能成歲之德也

日掌賞賞為暑

得賞則熱熱故

暑歲掌和和為雨

和則陰陽交故為雨

夏行春政則風風主行秋春故

政則水行冬政則落

霜氣肅殺故凋落也

是故夏三月以丙丁之

日發五政一政曰求有功發勞力者而舉之二政曰開

久墳

久墳瘞之處開通之也

發故屋辟故竈以假貸

辟開也

三政曰

令禁扇去笠

禁扇去笠者不欲令人禦盛陽之氣

毋扱免

禁扱社免袒者亦不欲人惡盛

陽之氣也

除急漏田廬

田中之廬欲漏之不欲人惡盛陽之氣也

四政曰求有德

賜布施於民者而賞之五政曰令禁置設禽獸

謂設置以取禽

也獸

毋殺飛鳥五政苟時夏雨乃至也西方曰辰

辰星日交會也

秋陰陽適
中故為辰
其時曰秋
秋孳也時物
成熟孳斂之
其氣曰陰
秋之陰生

金與甲

陰氣凝結堅實故生金為爪甲也

其德憂哀靜正嚴順

秋氣悽惻故以憂恤

哀憐為德靜正陰之性也嚴順謂德雖嚴然順時而為之也

居不敢淫佚

順秋氣而靜居不敢

為淫佚過失也其事號令毋使民淫暴順旅聚收

謂順時理軍旅聚而收之也

量民資以畜聚賞彼羣幹

衆有武幹人當賞之聚彼羣材

材當收聚之

百物乃收使民毋怠

時云收斂出師故聚裝人無懈怠

所惡其察

所欲必得

察所惡之方而伐之則得其所欲也

我信則克

我既誠信故能克敵此謂

辰德

辰以收斂殺姦邪為德也

辰掌收收為陰

收斂冬閉藏故為陰

秋行春政

則榮

春發榮也

行夏政則水

夏多行水潦也

行冬政則耗

冬肅殺損耗也

是

故秋三月以庚辛之日發五政一政曰禁博塞

博塞長姦邪故禁之

圉小辯鬪譯蹠

小辯則利口覆國及譯傳言語相疾忌為鬪訟者皆當禁圉之也

二政

曰毋見五兵之刃

時或出師掩襲故藏五兵之刃也

三政曰慎旅農趣聚

收四政曰補缺塞圻

師旅營農當慎收之秋方閉藏故令補缺塞圻也

五政曰脩

牆垣周門閭

亦所以助閉藏之氣

五政苟時五穀皆入北方曰月

北方

太陰故為月也

其時曰冬

冬中也言藏收萬物於中也

其氣曰寒

冬之氣也

寒生

水與血

寒釋則水流血亦水之類

其德淳越温怒周密

冬時花葉凋落唯根幹存焉故

以淳質為德越散也冬既閉藏時則入於恠音故令散
施為德雖復陰怒當節之以溫周密者衆陰之閉藏也

其事號令脩禁徙民令靜止

時方休息故禁人
私徙令為靜止也

地乃不

泄冬令行故
地不泄也

斷刑致罰無赦有罪以符陰氣

陰氣主殺
故斷刑致

罪以
符之

大寒乃至甲兵乃強五穀乃熟國家乃昌四方乃

備此謂月德

月以閉藏
罪為德也

月掌罰罰為寒

罰則殺物
故為寒也

冬

行春政則泄

春陽氣
發泄也

行夏政則雷

夏雷
電行

行秋政則旱

謂
冬

氣早
早也

是故冬三月以壬癸之日發五政一政曰論孤獨

恤長老二政曰善順陰脩神祀賦爵祿授備位三政曰

效會計毋發山川之藏

山藏謂銅銀之屬藏在山者川藏謂珠玉之屬藏在川者也

四政曰捕姦遁得盜賊者有賞五政曰禁遷徙止流民

圍分異

分異謂離居者

五政苟時冬事不過所求必得所惡必

伏是故春凋秋榮冬雷夏有霜雪此皆氣之賊也

氣反時則

為賊害也刑德易節失次則賊氣邀至賊氣邀至則國多菑

殃是故聖王務時而寄政焉

謂順時而立政

作教而寄武

因教而習

武也作祀而寄德焉

謂設祭以顯德則神歆也

此三者聖王所以合於

天地之行也

天地之行唯此三者而已

日掌陽月掌陰星掌和陽為

德陰為刑和為事是故日食則失德之國惡之月食則

失刑之國惡之彗星見則失和之國惡之

失則當受罰故其所失各

以其所類而興惡也

風與日爭明則失生之國惡之

日惡風且熱旱災成矣方

生之物皆枯悴矣此失生德也故失生之國惡也

是故聖王日食則脩德月食

則脩刑彗星見則脩和風與日爭明則脩生此四者聖

王所以免於天地之誅也信能行之五穀蕃息六畜殖

而甲兵強治積則昌暴虐積則亡道生天地

道者自然能生天地

也德出賢人

德者賢人所脩為故能生賢也

道生德

法道則成德也

德生正

德脩

則理自正

正生事

正直則事幹

是以聖王治天下窮則反終則始

德始於春長於夏刑始於秋流於冬

謂刑於冬而休息也

刑德不

失四時如一

皆順時而成故如一

刑德離鄉時乃逆行

鄉方也

作事

不成必有大殃月有三政

月三旬政異故曰三政也

王事必理以為

久長

王者行事必順三政之理然後可以長久

不中者死失理者亾

中猶合也

三政者則無違失其理必敗亡

國有四時固執王事

固執四時之政以輔行王事

四

守有所

謂守四時令得其所

三政執輔

執月三之政輔行已德也

五行第四十一

短語十五

一者本也

本農桑也

二者器也

器所以理農桑之具也

三者充也

充謂人力

能稱本與器也

治者四也

人既務本設治以理之也

教者五也

人既奉法則以禮義教之

守者六也

人既奉法從教則設官以守之

立者七也

既設官以守之則能立事

前者

八也

既能立功立事可與前王比隆

終者九也

既能與前王比隆可謂王道之終也

十者

然後具五官於六府也

立五行之官分掌六府也

五聲於六律也

謂播

五聲於六律也

六月日至

陽生至六為夏至陰生至六為冬至

是故人有六多

陽至

六為純陽之多也陰至六為純陰之多也稟陰陽之純以生故曰人有六多

六多所以街天

地也

街猶陰陽多也

天道以九制

九老陽之數以老陽制天所以君長之也

地理以

八制八少陰之數以少陰制地欲以生息也人道以六制六者兼三才之數人稟天地陰

陽之氣以生故以制人 以天為父以地為母以開乎萬物父母開通以生

萬物以總一統總持其本以統萬物也通乎九制六府三充而為明

天子言能總一統九制已下可謂明天子脩繁水上以待乎天董董誠也言天子

能以中正自脩以樂自平上待天誠也 反五藏以視不親又親反察於五藏以視知何者

不親 治祀之下以觀地位理於祭祀之時於其所祭之下觀知地位之尊卑也貨

暉神廬合於精氣神廬謂廟祠也日所次隅曰暉言祭神廬之時或薦珍貨雖已奠於地復

以日次隅之所以為精祥也如此 已合而有常神既合者所以招合鬼神精氣之道也聚而饗

祐則風雨有常而有經風雨有常百貨成而常經不失也審合其聲脩

十二鐘以律人情不失其經則庶績咸通故可審合理世之聲以成安樂之音然後十二鐘

以播其音音之高下皆法人情律法也人情已得萬物有極然後有德得

情則物理極極於物理可謂有德也故通乎陽氣所以事天也經緯日月

用之於民天氣以積陽成德故通陽氣然後能事天又經緯日月之時候使人用之也通乎

陰氣所以事地也經緯星厯以視其離地以積陰成體故通陰氣然後

能事地又經緯星厯之節氣視知其離絕也通若道然後有行言能通上陰陽天地之道

然後所行不失也然則神筮不靈神龜不卜既通天地之道則所行無不當故龜

筮不能為卜兆

黃帝澤叅治之至也

黃帝雖通天地之道不使叅問曰澤以得萬靈之情

可謂理之至也

昔者黃帝得蚩尤而明於天道得大常而察於

地利得奢龍而辯於東方得祝融而辯於南方得大封

而辯於西方得后土而辯於北方黃帝得六相而天地

治神明至蚩尤明乎天道故使為當時

謂知天時之所當也

大常

察乎地利故使為廩者

廩給也謂開廩以給人

奢龍辨乎東方故

使為土師

土師即司空也

祝融辨乎南方故使為司徒

謂主徒眾使務

也農

大封辨於西方故使為司馬

主兵馬以出征

后土辨乎北方

故使為李

李獄官也取使象水之平也

是故春者土師也夏者司徒

也秋者司馬也冬者李也昔黃帝以其緩急作五聲

調政

理之緩急作五聲也

以政五鍾令其五鍾一曰青鍾大音

大音東方鍾名

二曰赤鍾重心三曰黃鍾灑光四曰景鍾昧其明五曰

黑鍾隱其常

自大音重心已下皆鍾名其義則未聞

五聲既調然後作立

五行以正天時五官以正人位人與天調然後天地之

美生

美謂甘露醴泉之類也

日至睹甲子木行御

謂春日既至至睹甲子用木行御

也時天子出令命左右士師內御

謂內侍之官也

總別列爵

謂總別等

列之論賢不肖士吏

論士吏之賢與不肖當有所黜陟也

賦秘賜

秘藏之物出而

賦賜也賞於四境之內發故粟以田數

故粟陳也以田數多少用陳粟給人

使得務農出國衡順山林禁民斬木所以愛草木也然則水

解而凍釋草木區萌

萌牙區別而生也

贖蟄蟲卵菱

贖猶去也卵鳧菱芡

也皆早春而生也

春辟勿時

春當耕闢無得不及時也

苗足本

足猶擁也春生之苗當以

土擁其本不癘雖穀

癘殺也雖隨母食者

不夭麋虞毋傳速

麋鹿子也言天傷之

亾傷經祿

經祿之嬰孩無得傷損也

時則不凋

若能行上事春則七繁茂而不凋枯也

十二日而畢

春當九十月而今七十二日而畢者則季月十八日屬土位故也

睹丙子

火行御天子出令命行人內御

行人行使之官也

令掘溝澮津

舊塗

舊塗謂先時濟水處當設其津梁也

發臧任君賜賞

任委也藏中委積物當發用之

即以充君之賞賜也

君子脩游馳以發地氣

游馳謂游戲馳馬也

出皮幣命

行人脩春秋之禮於天下諸侯通天下過者兼和

春秋二時

聘問之禮

然則天無疾風草木發奮鬱氣息

謂鬱蒸之氣止息也

民不

疾而榮華蕃七十二日而畢睹戊子土行御天子出令

命左右司徒內御

命司徒御理夏政也

不誅不貞

貞正也太陽用事時方長育故

無所誅戮無責正以助養氣也

農事為敬

夏時農事尤盛順而敬之也

大揚惠言

言大

舉仁惠之事也 寬刑死緩罪人

皆所以助養氣也

出國司徒令命順民

之功力以養五穀君子之靜居

陰氣方生故靜居以遵也

而農夫脩

其功力極然則天為粵宛

粵厚也宛順也天為厚順不逆時氣也

草木養

長五穀蕃實秀大六畜犧牲具民足財國富上下親諸

侯和七十二日而畢睹庚子金行御天子出令命祝宗

選禽獸之禁

禁謂牢圓圖所養擬供祭祀也

五穀之先熟者

先熟則黍稷也

而

薦之祖廟與五祀

五祀謂門行戶竈中雷

鬼神饗其氣焉君子食

其味焉然則涼風至白露下天子出令命左右司馬行

組甲厲兵

組甲謂以組貫甲也

合什為伍

謂立什人之長為伍

以脩於四境

之內諛然告民有事所以待天地之殺斂也

諛悅順貌有事謂出

師以伐不服象天地殺斂也

然則晝炙陽夕下露地競環

環炙實貌方秋之時

晝則暴炙夕則下寒露而潤之陰陽更生故地氣交競而炙實

五穀鄰熟

鄰緊也陰陽氣足故緊熟

草木茂實歲農豐年大茂七十二日而畢睹壬子水行

御天子出令命左右使人內御御其氣足則發而止人

御理冬政其閉藏之氣足則發令休止也

其氣不足則發擗瀆盜賊

擗謂遮禁也羣

聚之謂其閉藏之氣不足則擗防盜賊以助其閉藏之氣也

數剝竹箭

言數剝削竹箭以為矢也

伐檀柘

伐檀柘所以為弓也

令民出獵禽獸不釋巨少而殺之所

以貴天地之所閉藏也

貴天地閉藏故收獵取禽以助也

然則羽卵者

不段

段謂離散不成

毛胎者不臄

臄謂胎敗潰也

媼婦不銷弃

媼古孕字銷弃

謂散壞也

草木根本美

閉藏實堅則根本美凡此皆順冬閉藏之政所致也

七十二日

而畢睹甲子木行御天子不賦不賜賞而大斬伐傷此

下言逆時政所致災禍也

君危不殺太子危家人夫人死

若君雖危而不見殺

則又太子危而家人夫入有死禍也

不然則長子死

如無家人夫人死則長子死

七十

二日而畢

逆氣亦畢於七十二日也

睹丙子火行御天子敬行急政

旱札苗死民厲

札天死也厲疫死時當寬緩而乃急故有旱札疫之災也

七十二日

而畢睹戊子土行御天子脩宮室築臺榭君危

土方用事而脩

宮室以動亂之故君有危亡之禍

外築城郭臣死

築城郭動土危故其臣死

七十二

日而畢

土王在六月而得七十二日者則每季得十八故也

睹庚子金行御天子

攻山擊石有兵作戰而敗士死喪執政

時方收斂而乃攻山擊石故致

兵器之禍也

七十二日而畢睹壬子水行御天子決塞動大

水王后夫人薨不然則羽卵者段毛胎者牘臚婦銷弃

草木根本不美七十二日而畢也

管子卷十四

欽定四庫全書

管子卷十五

唐 房玄齡 注

勢第四十二

短語十六

戰而懼水

此謂澹滅

方戰之時懼致水禍此必為水所澹而滅亡也

小事不從

大事不吉

苟懼水禍則事無小大未見其福也

戰而懼險此謂迷中

方戰之時

懼有險礙進退莫知所從故曰迷中言在迷惑之中

分其師衆人既迷芒必其將

亡之道

人既迷惑不知所從則無所用其力是以滅其師衆矣又况迷惑芒然乎若是者必亡其衆凡

此二事皆滅亡之道也

動靜者比於死

比近也用師之道我動而敵靜者則靜者勝矣故我

近於死也

動作者比於醜

我先動敵反作應者我必無功故近於醜

動信者比

於距

我既動彼能自申以敵我如此者近於見距也

動誣者比於避

我既動而彼屈服者

近於見避

夫靜與作時以為主人時以為客貴得度

靜作得度則為

主人其失度者則為客也

知靜之脩居而自利

既多智而又安靜二者能脩則居然自獲

其利

知作之從每動有功

知其所作常能從理如此者動必有功也

故曰無

為者帝其此之謂矣

言無心於為任理之自然如此者帝王之道也

逆節萌生

天地未形先為之政其事乃不成繆受其刑

言將為篡殺凶逆之

節雖萌芽而生然天地寂泊不見徵應無從已之形此則先天而政天乃違之故其事不成則被誅戮受其刑

罪也天因人聖人因天所謂先天而天不違後天而奉天時天時不作勿為

客不因天時而動者乃為客矣人事不起勿為始不因人事而起可謂先事為始慕

和其衆以脩天地之從人先生之天地刑之聖人成之

則與天同極將建大事必慕和其衆天地既已從但當脩天之意人先生是心天地又見其脩意

有從順之形聖人則發動而成如此者可謂與天同極也正靜不爭動作不貳素質

不留全其素質無所留者與地同極能行靜正已下可謂與地同極也未得天極

則隱於德未得與天同極則隱而脩德也已得天極則致其力已得天極則當

致力而成之若湯之升既成其功順守其從人不能代從

也功成矣則以順理守之所謂逆取成功之道贏縮為寶

贏縮猶行藏也所謂時行則行時止則止其道乃著故以為寶毋亡天極究數而止但

天之數則止而勿為事若未成毋改其形毋失其始形謂常形也

終有成也言事未成之時但安靜其人靜民觀時待令而起謹候其時待天命令然後起

而應也故曰脩陰陽之從而道天地之常從贏贏縮縮

因而為當必行藏順時然後事當死死生生因天地之

形死生猶隱顯也聖人天地之形聖人成之因天地之

形隱顯必因天地之形天地之形聖人成之形則無不

也成小取者小利大取者大利但能法則大盡行之者有

天下

所謂唯天為大唯堯則之

故賢者誠信以仁之慈惠以愛之端

政象不敢以先人

常執謙以下物

中靜不留

中心安靜無所留著

裕德無

求

道德饒裕無求於人

形於女色

女之容色靜而不先求者

其所處者柔安靜

樂

雖復隱處常能柔安靜樂

行德而不爭以待天下之瀆作也

雖復為政

行德常能謙讓不與物爭瀆動亂也

故賢者安徐正靜柔節先定

先定謙柔之節

然後有所與為也

行於不敢

則人不能與我爭勇

而立於不能

則人莫與我爭功

守弱節而堅處之

守柔弱之節而堅明以自處也

故不犯天時不亂民

功

謙順故無所犯亂也

秉時養人

持四時之政以順養其人

先德後刑

賞以春夏刑以

秋順於天微度人

既順於天又微度人之所宜以合之

善周者明不能見

也

善於周周則極也萬物無所至至此者雖有明察之人不能盡矣

善明者周不能蔽

也

善於明明則極也如此者則雖善周之人不能自隱蔽必為善明者所知也

大明勝大周

則民無大周也

明勝大周則人無能為大周也

大周勝大明則民無大

明也

周勝大明則人無能為大明也此皆欲大周大明獨在君也

大周之先可以奮

信

奮信振起貌言既有大周之德在物之先則可以振起而有事

大明之祖可以代天

下

有大明之德可以為物祖如此則可代天下無道取其位而君之也

索而不得求之招

搖之下

招搖之星隨斗杓順時而建者也天下者神器直欲索之則不得若求之招搖之下順時而取

則可也

獸厭走而有伏網罟

獸所以憎厭其走者恐前有伏網罟故聖人不敢以直道

取天下者恐有大禍故也

一偃一側不然不得

偃側猶倚伏也聖人之取天下知云云文

設武位不可得也

大文三曾而貴義與德大武三曾而

偃武與力

大文三曾則文道行也故能成其德義大武三曾則武道行也故能偃其武力

正第四十三

短語十七

制斷五刑各當其名罪人不怨

服罪故不怨也

善人不驚曰刑

刑當故不驚如此者所謂刑也

正之

所以勝之

所以服之

勝之

所以勝之

飾之

脩飾身也

必嚴其令而民則之曰政

令嚴則人作法之如此者政也如

四時之不貸如星辰之不變如宵如晝如陰如陽

宵晝陰陽

皆有其常如日月之明曰法

法之用守常不變

愛之生之養之成之

利民不德

利雖及人不以為德也

天下親之曰德

德用之恩萬物親之

無德

無怨無好無惡萬物崇一陰陽同度曰道

道之用不二者刑以

弊之政以命之法以遏之德以養之

物待德養而成

道以明之

明是非也

刑以弊之毋失民命

刑斷合理故人命不失也

令之以終其欲

明之毋徑

行令所以終人之欲使明識正道不從邪徑也

遏之以絕其志意

毋使民幸

用法正人之志意不使人有非分之幸也

養之以化其惡必自身

始人身惡盡則人惡化

明之以察其生必脩其理

恐有不脩理故以明察之

致

刑其民庸心以蔽

庸用也不用心以斷則濫及不幸

致政其民服信以

聽

服用也謂用誠信聽理於人

致德其民和平以靜

君德及人以致和靜

致道

其民付而不爭

人被道則相付任而不交爭也

罪人當名曰刑

罪當其名刑之

謂也出令時當曰政

令當於正時之謂也

當故不改曰法

不改當故法之謂也

愛民無私曰德

君愛無私德之謂也

會民所聚曰道

聚謂衆所宜也能令衆宜

謂之道也

立常行政能服信乎

服信則政行常立

中和慎敬能日新

乎苟能和敬則其德日新也正衡一靜能守慎乎衡平也言但能守慎則政平而靜一

廢私立公能舉人乎但公而無私則能舉人也臨政官民能後其身

乎後其身則能臨政官人也能服信政此謂正紀能行信正者正之紀能服日

新此謂行理能行日新可謂行之理也守慎正名偽詐自止能慎則詐息也

舉人無私臣德咸道無私則不妄舉故臣德皆合於道也能後其身上佐

天子後身則先公故能上佐天子也

九變第四十四謂人之情有九

短語十八

凡民之所以守戰至死而不德其上者有數以至焉或守

或戰雖復至死不救恃之以德於上
曰大者親戚墳墓
則有數存焉於其間故能至死也

之所在也一變 田宅富厚足居也二變 不然則州縣鄉黨

與宗族足懷樂也三變 不然則上之教訓習俗慈愛之於

民也厚無所往而得之君之恩厚皆在於人無所他往故得人之致死四變 不然

則山林澤谷之利足生也五變 不然則地形險阻易守而

難攻也六變 不然則罰嚴而可畏也不然則賞明而足勸

也七變 不然則有深怨於敵人也八變 不然則有厚功於上

也功厚則祿多故亦自為戰而不德於君九變 此民之所以守戰至死而不

德其上者也。今恃不信之人而求以智用不守之民而欲以固將不戰之卒而幸以勝此兵之三閻也。

任法第四十五

區言一

聖君任法而不任智，任數而不任說，任公而不任私，任大道而不任小物。小物小事然後身佚而天下治。失君則不

然舍法而任智，故民舍事而好譽，舍數而任說，故民舍實而好言，舍公而好私，故民離法而妄行，舍大道而任小物，故上勞煩，百姓迷惑，而國家不治。聖君則不然，守

道要處佚樂馳騁弋獵鐘鼓竽瑟宮中之樂無禁圍也

宮中之樂所以悅體安性故不禁禦之也

不思不慮不憂不圖

但任法數故無所慮圖也

利身體便形軀養壽命垂拱而天下治

但任法數則事簡故身不勞壽

命長而天下自理也

是故人主有能用其道者

道則謂上法數公正大道

不事

心不勞意不動力而土地自辟困倉自實蓄積自多甲

兵自強羣臣無詐偽百官無姦邪奇術技藝之人莫敢

高言孟行以過其情以過其主矣

孟大也過待也不敢以謬妄姦言妄行以

待其主也

昔者堯之治天下也猶埴之在埏也

埏和也音羶

唯陶

之所以為猶金之在鑪冶之所以鑄其民引之而來
推之而往使之而成禁之而止故堯之治也善明法禁
之令而已矣黃帝之治天下也其民不引而來不推而
往不使而成不禁而止

比黃帝之於堯則堯
有為而黃帝無為

故黃帝之

治也置法而不變使民安其法者也所謂仁義禮樂者

皆出於法

法行順
仁義生

此先聖之所以一民者也

法所以齊
一於民也

周書曰國法

有國者
有法也

法不一則有國者不祥

法不一則
亂故不祥

民不道法則不祥

道從

國更立法以典民則祥

更改也典
主也言能

觀宜改法以主於人則國理故祥也 羣臣不用禮義教訓則不祥百官服

事者離法而治則不祥服行故曰法者不可恒也法蔽則當

變故不恒存亡治亂之所從出法順則存治法違則亂亡聖君所以為天

下大儀也君為天下之儀表也君臣上下貴賤皆發焉莫不取法於君臣發

也行故曰法古之法也立法者必師古世無請謁任舉之人任保也

法取人則無請謁之保舉無間識博學辯說之士問雜亂也法行則博學辨說之人不

敢問亂識事也無偉服無竒行偉服竒行皆過越法制者今止息者畏法故也皆囊於

法以事其主囊者所以斂藏也謂人皆斂藏過行以順於法上事其主故明王之所

恒者二一曰明法而固守之二曰禁民私而收使之謂

法收斂而使之此二者主之所恒也廢此二者則政亂夫法者上之所

以一民使下也私者下之所以侵法亂主也故聖君置

儀設法而固守之然故謀杵習士聞識博學之人不可

亂也杵所以毀碎於物者也謂姦詐之人偽託於謀以毀君法習士謂習法之士聞識謂多聞廣識君守

法堅故此等莫能亂也衆彊富貴私勇者不能侵也信近親愛者

不能離也離猶違也珍怪奇物不能惑也萬物百事非在法

之中者不能動也珍怪奇物此正法為怪僻故法者天下之至道也

道無越於法者

聖君之實用也

用法為理國之實

今天下則不然皆有

善法而不能守也然故諶杵習士聞識博學之士能以

其智亂法惑上衆彊富貴私勇者能以其威犯法侵陵

謂侵陵於君也

鄰國諸侯能以其權置子立相

鄰國恃權能廢置君之子援立

國大臣能以其私附百姓

謂用私恩誘百姓使附也

翦公財以祿私

士謂翦公財以祿私士此皆以君不守法故也

凡如是而求法之行國之治

不可得也

謂從失法之後國不可得理也

聖君則不然卿相不得翦其

私羣臣不得辟其所親愛聖君亦明其法而固守之羣

臣脩通幅湊

謂各得自通於君如幅之湊也

以事其主百姓輯睦聽令

道法以從其事

道從也

故曰有生法有守法有法於法夫

生法者君也

君始制法故曰生法

守法者臣也

臣則守法而行

法於法者

民也

人則法君之法

君臣上下貴賤皆從法此謂為大治故主

有三術

謂上主中主危主也

夫愛人不私賞也惡人不私罰也置

儀設法以度量斷者上主也愛人而私賞之惡人而私

罰之倍大臣離左右專以其心斷者中主也臣有所愛

而為私賞之有所惡而為私罰之

為大臣愛惡之故而私賞罰也

倍其

公法損其正心

謂損政教之正

專聽其大臣者危主也故為人

主者不重愛人不重惡人重愛曰失德重惡曰失威

隨君

臣愛惡則威德皆在於臣故曰失也

威德皆失則主危也故明王之所操

者六生之殺之富之貧之貴之賤之此六柄者主之所

操也主之所處者四一曰文二曰武三曰威四曰德此

四位者主之所處也藉人以其所操命曰奪柄藉人以

其所處命曰失位奪柄失位而求令之行不可得也

既至

於奪柄失位之後欲求令行不可得

法不平令不全是亦奪柄失位之道

也法不平令不全則柄位不可得而保故曰奪柄失位之道故有為枉法有為毀令

此聖君之所以自禁也言有枉法毀令聖君則能禁止之故貴不能威

富不能祿賤不能事近不能親美不能淫也此五事解見上文

植固而不動竒邪乃恐則所立堅則不可動若竒邪則敗亡旋及故恐竒音羈竒革

而邪化令往而民移君之竒邪能有革化則令纔往而人已移心而從善也故聖

君失度量置儀法聖君見有失度量則置儀法以改也如天地之堅堅謂尊勝

如列星之固自古至今不見天星有虧敗也如日月之明無私耀臨如四時

之信寒暑之氣來必以時然故令往而民從之君能苞上之四事故令往人從也

而失君則不然法立而還廢之令出而後反之枉法而

從私毀令而不全是貴能威之富能祿之賤能事之近

能親之美能淫之也此五者不禁於身居身不能自禁止也是以

羣臣百姓人挾其私而幸其主妄希非分之恩彼幸而得之則

主曰侵臣得不當得之恩則主曰見侵也彼幸而不得則怨曰產若不得所

幸則怨毒日生也夫曰侵而產怨此失君之所慎也凡為主而

不得用其法不適其意顧臣而行凡有所行不敢自專顧望其臣而為之也

離法而聽貴臣貴臣雖有離法亦聽從之此所謂貴而威之也言貴臣能

威於君也

富人用金玉事主而來焉

謂以金玉來事主也

主離法而聽

之此所謂富而祿之也

言富人能祿於君也

賤人以服約卑敬悲

色告愬其主

服約謂屈服隱約也

主因離法而聽之所謂賤而事

之也

言賤人善諂君聽之

近者以偏近親愛有求其主主因離法

而聽之此所謂近而親之也

言近者恃親以要君則君從

美者以巧

言令色請其主主因離法而聽之此所謂美而淫之也

言美者能以言色淫動於君故君亦聽之

治世則不然不知親疎遠近貴賤

美惡以度量斷之其殺戮人者不怨也

殺當其罪故不怨也

其賞

賜人者不德也

以功受賞故不德於君也

以法制行之如天地之無

私也是以官無私論士無私議民無私說皆虛其匈以

聽於上

匈恐懼貌

上以公正論以法制斷故任天下而不重

也

法制行則事簡故不重也

今亂君則不然有私視也故有不見也

有私聽也故有不聞也有私慮也故有不知也

凡私則不周故

有不見聞知也

夫私者壅蔽失位之道也上舍公法而聽私說

故羣臣百姓皆設私立方以教於國

方謂異道術也

羣黨比周

以立其私請謁任舉以亂公法人用其心以幸於上上

無度量以禁之是以私說日益而公法日損國之不治從此產矣夫君臣者天地之位也民者衆物之象也各立其所職以待君令羣臣百姓安得各用其心而立私乎故遵主令而行之雖有傷敗無罰遵令而行敗非已致故無罰也非

主令而行之雖有功利罪死失令有功法所不赦故罪死然故下之

事上也如響之應聲也臣之事主也如影之從形也故上令而下應主行而臣從此治之道也夫非主令而行有功利因賞之是教妄舉也賞不從令是教妄為舉措遵主令而行

之有傷敗而罰之是使民慮利害而離法也羣臣百姓人慮利害而以其私心舉措則法制毀而令不行矣

明法第四十六

區言二

所謂治國者主道明也

主道明則公法明故國治

所謂亂國者臣術

勝也

臣術勝則私事立故國亂

夫尊君卑臣非計親也以執勝也

令尊

君卑臣者其計非欲使親君也但令君執其勝也

百官識非惠也刑罰必也

必令

百官識非公之惠而不敢受又知刑罰必行無妄求免罪也

故君臣共道則亂

臣行君事

故曰專授則失心而專之亦為失也

夫國有四亡令

求不出謂之滅

求不出令則下無所稟故滅

出而道留謂之擁

中道而留

止故曰擁

下情求不上通謂之塞

求不上通則與君隔絕故曰塞也

下情上

而道止謂之侵

下情雖欲上通中道為左右所止此則臣侵上事也

故夫滅侵塞

擁之所生從法之不立也是故先王之治國也不淫意

於法之外

淫遊也

不為惠於法之內也

不屈法以成私惠也

動無非

法者所以禁過而外私也

外遺也

威不兩錯

臣行君威為兩置

政

不二門

臣出政是為二門也

以法治國則舉錯而已

言能以法理國但舉而置

之無不行

是故有法度之制者不可巧以詐偽

非法度不聽則詐偽何施

有權衡之稱者不可欺以輕重

以權衡稱之輕重立見也

有尋丈之

數者不可差以長短今主釋法以譽進能則臣離上而

下比周矣

比周於下所以求譽

以黨舉官則民務交而不求用矣

交合則自進官何須求用

是故官之失其治也是人主以譽為賞以

毀為罰也

以毀譽為賞罰則官自然失理

然則喜賞惡罰之人離公道

而行私術矣

行私術自然得賞安用就公道而求乎

比周以相為匿是

者凡有公是之事皆匿而不行也

忘主死交以進其譽故交衆者譽多

為交友致死其譽自進

外内朋黨雖有大姦其蔽主多矣是以忠

臣死於非罪

明黨共毀之故
忠臣非罪而死

而邪臣起於非功

明黨共譽之故

邪臣非功而起

所死者非罪所起者非功也然則為人臣者重

私而輕公矣

私則得利公而致禍
故重私而輕公矣

十至私人之門

私人之門

謂所與交私
為朋黨者也

不一至於庭

謂之君庭

百慮其家不一圖國

重私

輕公也

屬數雖衆非以尊君也

所屬之數雖曰衆多無不黨私故非尊君也

百

官雖具非以任國也

各務私故不任國事

此之謂國無人國無人

者非朝臣之衰也家與家務於相益不務尊君也大臣

務相貴而不任國小臣持祿養交不以官為事故官失

其能

官各失能則與無人同也

是故先王之治國也使法擇人不自

舉也使法量功不自度也

設法者自著擇人量功之除故不勞自舉度也

故能

匿而不可蔽

苟有材能則法自舉之不可隱蔽也

敗而不可飾也

無功而敗法自

量之故不可虛飾也

譽者不能進

無材雖譽之而不能進也

而誹者不能退也

有功雖誹之而不能退也

然則君臣之間明別

謂賢不肖有功者各明白而分別也

別則易治也

明別則無偽濫故易治也

主雖不身下為

謂不身為其事

而守

法為之可也

但守法則法自為之不勞身也

正世第四十七

區言三

古之欲正世調天下者必先觀國政料事務察民俗本

治亂之所生知得失之所在然後從事從為故法可立而

治可行夫萬民不和國家不安失非在上則過在下今

使人君行逆不脩道誅殺不以理重賦斂竭民財急使

令罷民力使令急故人力疲也財竭則不能毋侵奪人財竭則侵奪以共上稅

也力罷則不能毋墮倪倪傲也謂疲墮而傲從也民已侵奪墮倪因

以法隨而誅之則是誅罰重而亂愈起夫民勞苦困不

足則簡禁而輕罪如此則失在上失在上而上不變則

萬民無所託其命今人主輕刑政寬百姓薄賦斂緩使

令然民淫躁行私而不從制飾智任詐負力而爭則是

過在下過在下人君不廉而變廉察也則暴人不勝邪亂不

止暴人不勝邪亂不止則君人者勢傷而威日衰矣故為

人君者莫貴於勝所謂勝者法立令行之謂勝法立令行

故羣臣奉法守職百官有常法不繁匿萬民敦懋反本

而儉力謂廉嗇而勤力也故賞必足以使謂使人從善也威必足以勝

謂勝合姦邪也然後下從故古之所謂明君者非一君也五帝三王

俱曰明君故曰非一其設賞有薄有厚其立禁有輕有重迹行不

必同非故相反也皆隨時而變因俗而動夫民躁而行

僻則賞不可以不厚禁不可以不重

既躁而僻則難化須厚賞以誘之重

禁以威之故聖人設厚賞非侈也立重禁非戾也賞薄則民

不利禁輕則邪人不畏設人之所不利欲以使則民不

盡力立人之所不畏欲以禁則邪人不止是故陳法出

令而民不從故賞不足勸則士民不為用刑罰不足畏

則暴人輕犯禁民者服於威殺然後從見利然後用被

治然後正得所安然後靜者也夫盜賊不勝邪亂不止
彊劫弱衆暴寡此天下之所憂萬民之所患也憂患不
除則民不安其居民不安其居則民望絕於上矣夫利
莫大於治害莫大於亂夫五帝三王所以成功立名顯
於後世者以為天下致利除害也事行不必同所務一

也

莫不務於理也

夫民貪行躁而誅罰輕罪過不發

有罪過者不發舉也

則是長淫亂而便邪僻也有愛人之心而實合於傷民

輕刑以愛人多反傷人也

此二者不可不察也

二者謂愛與傷人

夫盜賊

不勝則良民危

良人為盜所害故危

法禁不立則姦邪繁故事莫

急於當務

每事當其務則理也

治莫貴於得齊

齊謂無非人也

制民急則

民迫民迫則窘窘則民失其所葆

葆謂所恃為生者也

緩則縱縱

則淫淫則行私行私則離公離公則難用故治之所以

不立者齊不得也

謂上有非人也

齊不得則治難行故治民之

齊不可不察也聖人者明於治亂之道習於人事之終

始者也其治人民也期於利民而止

至於利人則止而勿理也

故其

位齊也不慕古不留今

留謂守常不變

與時變與俗化夫君人

之道莫貴於勝勝故君道立勝則無不服故君道立也君道立然後下從下從故教可立而化可成也夫民不心服體從則不可以禮義之文教也君人者不可以不察也

治國第四十八

區言四

凡治國之道必先富民民富則易治也民貧則難治也奚以知其然也民富則安鄉重家安鄉重家則敬上畏罪敬上畏罪則易治也民貧則危鄉輕家危謂不安其所居也危

鄉輕家則敢陵上犯禁陵上犯禁則難治也故治國常

富而亂國常貧是以善為國者必先富民然後治之昔者七十九代之君法制不一號令不同然俱王天下者何也必國富而粟多也夫富國多粟生於農故先王貴之凡為國之急者必先禁末作文巧末作文巧禁則民無所游食民無所游食則必農謂必務農民事農則田墾田墾則粟多粟多則國富國富者兵彊兵彊者戰勝戰勝者地廣是以先王知衆民彊兵廣地富國之必生於粟也故禁末作止奇巧而利農事今為末作奇巧者一日

作而五日食

言取一日之利可共五日之食也

農夫終歲之作不足以

自食也然則民舍本事而事末作舍本事而事末作則

田荒而國貧矣凡農者月不足而歲有餘者也而上徵

暴急無時

謂徭稅不以時

則民倍貸以給上之徵矣

倍貸謂貸一還二也

耕耨者有時而澤不必足

謂雨澤不足也

則民倍貸以取庸矣

澤不足則歲凶富者倍貸於貧不能還其倍價者則計所倍而取庸矣

秋糴以五春糶以

束是又倍貸也

謂富者秋時以五糶之至春出糶便收其束矣此亦倍貸之類也束十足也

故以上之徵而倍取於民者四

謂上無時之徵一也澤不足二也秋糶春糶三

也下闕市府庫之徵四也

關市之租府庫之徵粟什一廝與之事此

四時亦當一倍貸矣

府庫謂府之庫新有徵稅言人供關市府庫之徵亦用粟之什一計

四時常有所用故亦當一倍貸之

夫以一民養四主

四主即上四倍貸也

故逃徙

者刑

謂有刑罰

而上不能止者粟少而民無積也常山之東

河汝之間蚤生而晚殺五穀之所蕃孰也四種而五穫

四種謂四時皆種五穫謂五穀皆宜而有所穫

中年畝二石一夫為粟二百石

今也倉廩虛而民無積農夫以粥子者上無術以均之

也故先王使農士商工四民交能易作

交能易作謂雖士亦善於農工

雖農亦通於士業也終歲之利無道相過也道從也四人均能故其利無從相過之也

是以民作一而得均

四人交能易作故曰一也

民作一則田墾姦巧

不生田墾則粟多粟多則國富姦巧不生則民治富而

治此王之道也不生粟之國亡粟生而死者霸

霸者或不能廣

積粟故人有不生而致死者也

粟生而不死者王

王者積粟既多故人保其生無復致死者

也粟也者民之所歸也粟也者財之所歸也有粟則人歸之粟

也者地之所歸也

積粟既多或有入地歸降者也

粟多則天下之物盡

至矣故舜一徙成邑二徙成都參徙成國舜非嚴刑罰

重禁令而民歸之矣去者必害

謂背舜而去者

從者必利也先

王者善為民除害興利故天下之民歸之所謂興利者

利農事也所謂除害者禁害農事也農事勝則入粟多

入粟多則國富國富則安鄉重家安鄉重家則雖變俗

易習

謂改易其常習

毆衆移民至於殺之而民不惡也此務粟

之功也上不利農則粟少粟少則人貧人貧則輕家輕

家則易去易去則上令不能必行上令不能必行則禁

不能必止禁不能必止則戰不必勝守不必固矣夫令

不必行禁不必止戰不必勝守不必固命之曰寄生之

君

謂斃寄為生不能長久

此由不利農少粟之害也粟者王之本

事也人主之大務有人之塗

謂保有其人其塗因粟也

治國之道也



管子卷十五